

御纂醫宗金鑑卷六十一

編輯外科心法要訣目錄

人身經絡圖歌

脈訣歌

十二經氣血多少歌

癰疽總論歌

癰疽陽證歌

癰疽陰證歌

癰疽半陰半陽歌

癰疽五善歌

癰疽七惡歌

癰疽順證歌

癰疽逆證歌

癰疽辨腫歌

癰疽辨痛歌

癰疽辨膿歌

癰疽辨癢歌

癰疽辨暈歌

御纂醫宗金鑑卷六十一目錄

癰疽總論治法歌

內消治法歌

內托治法歌

虛實治法歌

癰疽鍼法歌

癰疽砭法歌

癰疽灸法歌

隔蒜灸
豆豉餅灸

黃蠟灸
蟾蠩灸

附子餅灸
麥冬梗米飲

癰疽烙法歌

神燈照法歌

桑柴火烘法歌

牛膠蒸法歌

藥筒拔法歌

癰疽總論治法歌

御纂醫宗金鑑卷六十一

編輯外科心法要訣

十二經循行部位歌

手之三陽手外頭手之三陰胸內手足之三陽頭外足足之三陰足內走

註

手之三陽手外頭者謂手陽明大腸經從手次指內側之

端上行手臂外之上行枕音至頭鼻孔兩旁也手少陽三焦

經從手四指外側之端上行手臂外之中行至頭耳前動


脈也手太陽小腸經從手小指外側之端上行手臂外之

下行至頭耳中珠子也手之三陰胸內手者謂手太陰肺

經從胸乳上循行臑內下行肘臂內之上行至手大指內
 側之端也手厥陰心包絡經從腋下乳外循行臑內下行
 肘臂內之中行至手中指之端也手少陰心經從腋筋間
 循行臑外下行肘臂內之下行至手小指內側之端也足
 之三陽頭外足者謂足陽明胃經從頭目下循頰頸乳中
 下行腹外股膝跗之前行至足二指之端也足少陽膽經
 從頭目外眥循行繞耳顛巔下行脇跨膝跗之中行至足
 四指外側之端也足太陽膀胱經從頭目內眥循行額巔
 項背外行臀臑腓之後行至足小指外側之端也足之
 三陰足內走者謂足厥陰肝經從足大指外側之端循行

前行上內踝上脛膻膝之中行內行陰器腹脇之外行上
至乳下也足大陰脾經從足大指內側之端循行內踝膝
裏股內之中行上行腹中至季脇也足少陰腎經從足心
循行內踝足跟內循之後行上腹內至胸也諸陽行外諸
陰行裏四肢背腹皆如此也

頭前正面部圖



頭前正面歌

頭督唇任五中行皆傍足太顛手陽側上足少繞耳手鼻傍手
明唇足方

註頭之正面分五行杭音其中行上嘴唇以上屬督脈下嘴唇

以下屬任脈此為中行也其第二行目內眥旁上屬足太
陽經鼻旁下屬手陽明經此為第二行也其第四行面顛
骨外旁屬手太陽經頭側上屬足少陽經繞耳前後屬手
少陽經此為第四行也其第三行唇旁屬足陽明經為第
三行也

頭 後 項 頸 圖




頭後項頸歌

頭後七行督中行惟二足太足少陽頸前任中二足明三手四
行手太陽五足少陽六是手七足太陽督中行

註

頭後項頸分七行其中行屬督脈惟兩旁第二行屬足太
陽經其餘第三行四行五行皆屬足少陽經頸前中行屬
任脈二行屬足陽明經三行屬手陽明經四行屬手太陽
經五行屬足少陽經六行屬手少陽經七行屬足太陽經
項後中行屬督脈經也


胸腹圖



脊

背

圖



胸腹脊背歌

胸腹二行足少陰三足陽明四太陰五足厥陰六少陽脊背二

三足太陽

註

胸腹之中行屬任脈兩旁第二行屬足少陰腎經第三行

屬足陽明胃經第四行屬足太陰脾經乳下脇上第五行

屬足厥陰肝經脇後第六行屬足少陽膽經脊外兩旁二

行三行俱屬足太陽膀胱經脊之中行屬督脈經

手 髀 臂 外 圖



印真醫書卷之六
 編輯外科心法要訣

六

手 臂 內 圖




手髀臂外內歌

手髀臂外上手明中手少陽下太陽手髀臂內上中下手太厥
少分三行

註

手髀臂之外面係手三陽經部位也上行屬手陽明經中
行屬手少陽經下行屬手太陽經手髀臂之內面係手三
陰經部位也上行屬手太陰經中行屬手厥陰經下行屬
手少陰經

足 三 膝 外 圖



足太陽
足少陽

足太陽

足陽明

足陽明
足少陽
足太陽

足 膝 內 圖



和氣要書卷之六十一 編輯外科心法要訣

足膝外內歌

足膝外前足陽明中行少陽後太陽足膝之內前中後足厥太

少分三行

註 足膝之外面係足三陽經部位也前行屬足陽明經中行

屬足少陽經後行屬足太陽經足膝之內面係足三陰經

部位也足大指外側之前行股內之中行屬足厥陰經內

側之中行股內之前行屬足太陰經足心繞踝之後行屬

足少陰經

手太陰肺經圖



肺經歌

太陰肺經起乳上系橫出腋肅中廉達肘循臂入寸口上魚大
指內側邊

註

手太陰肺經起於乳上三肋端去中行旁開六寸腋前外
灣而至肅間由肅中廉達肘內循臂裏過前廉入寸口上
魚際終於手大指內側去爪甲角如韭葉

手陽明大腸經圖



大腸經歌

陽明之脈手大腸次指內側起商陽循手臂外過肘臑達肩入
缺上頸旁貫頰下齒出人中上俠鼻孔終迎香

註

手陽明大腸經起於手大指之次指內側去爪甲角如韭
葉許循大指次指之岐骨行臂外前廉過肘外自臑達肩
行缺盆直上頭頸之側環出人中之左右以俠鼻孔兩旁
迎香穴而終焉

足陽明胃經圖



胃經歌

陽明胃起目下胞從鼻入齒還承漿頤後頰裏上耳前額顙下
循兩頸旁從缺盆口下乳中循腹腿班腿面行外抵膝臏走足
跗至足中指外側當

註

足陽明胃經起於目下鼻旁下夾口吻繞腮上行耳前至
額角下行頸側夾結喉至肩上橫骨陷中下行當乳之中
去中行旁開四寸從乳頂下行至臍旁去中行旁開三寸
從臍旁下行至腿之合縫去中行旁開二寸從合縫斜行
向外直下膝外前廉至臑骨節上復轉注而下行至足中
指之端去爪甲角如韭葉而止

足太陰脾經圖



脾經歌

太陰脾起足大指上循內側白肉際核骨之後內踝前上臑循
行脛膝裏股內前廉入腹中斜行九肋季脇止

註

足太陰脾經起於足大指端內側去爪甲角韭葉許由內
側白肉際核骨之後過內踝之前自裏中廉上膝由大腿
內廉入腹裏上至乳上旁開四寸五分至胸中行旁開六
寸許是其部也向外行至九肋間季脇之端而終

手少陰心經圖



心經歌

少陰心經腋筋間臑後肘臂內後廉由內後廉至銳骨小指內

側爪甲端

註 少陰心經起於臂內腋下筋間循臂臑之外後廉至肘

內廉循臂內後廉下抵掌後銳骨之中行於手小指內側

去爪甲角如韭葉許而終



手太陽小腸經圖



小腸經歌

太陽小腸小指端循手外廉踝骨前從手踝骨出肘外上循臑
外出後廉上過肩解繞肩胛交肩貫頸曲頰邊面鳩骨下陷中
取耳中珠子經穴全

註

手太陽小腸經起於手小指外側之端去爪甲角如韭葉
許由手外側至手踝骨之前行肘外後廉上循臑外過肩
後廉而上行肩自肩貫頸過曲頰斜上顴骨至耳前而終

足太陽膀胱經圖



印真醫書卷之八

醫科心法要訣

七

膀胱經歌

大陽膀胱起內眥上額交巔耳後尋下項循肩肩膊內俠脊抵
腰下貫臀貫臀斜入委中穴與支下合膈中存貫膈內出外踝
後小指外側終至陰

註

足太陽膀胱經起於目內眥上額交巔從顛至耳上角後
行下項循肩膊內有二道一道俠脊旁開寸半抵腰中腰
中有四空從腰中下貫臀入膈中一道又從膈內左右分
下貫胛俠脊內旁開三寸下過髀樞循髀外後廉下合膈
中以下貫膈內出外踝之後循京骨至小指外側端去爪
甲角如韭葉許至陰穴而終

足少陰腎經圖



神醫心法卷之三

卷之二十一

編輯外科心法要訣

七

腎經歌

少陰腎經起足心上內踝骨足後跟上膈出膈入股內行至胸
中部位分

註
足少陰腎經起於足心陷中循內踝入足後跟中行內踝
之上上膈分中出膈內廉後股內上行至合縫自合縫上
行去腹中行旁開一寸至臍從臍旁上行復上去中行旁
開一寸五分從腹上行至胸中旁開二寸而終

手厥陰心包絡經圖



御纂醫宗金鑑

卷六十一

編輯外科心法要訣

七

心包絡經歌

厥陰心包腋下起腋外肱內行入肘下行兩筋間入掌中
指之端止

註手厥陰心包絡經起於腋下三寸乳外側一寸許從腋下
向外上轉循臂內入肘內下行兩筋之間入掌中循中指
出其端而終

手少陽三焦經圖



三焦經歌

少陽三焦四指端手腕臂外兩骨間貫肘上肩項耳後上繞耳

前動脈間

註

手少陽三焦經起於手小指次指之外側去爪甲角如韭

葉許由小指次指岐骨之間上行手腕臂外兩骨中間貫

肘上肩由肩項至耳後上繞耳上角下循耳前動脈而

終

足少陽膽經圖



膽經歌

少陽膽經起外眦繞耳前後上額顙巔後頸肩腋季脇跨膝踝

跗小指出

註足少陽膽經起於目外眦斜貫耳前循行耳後上抵額顙

至顙後行頸側過肩下腋走身側之季脇下腿跨行膝之

外至外踝之前內行足跗至足小指次指之外側去爪甲

角如韭葉許而終

足厥陰肝經圖



刊

肝經歌

厥陰肝經起聚毛循行足跗內踝間上膈環陰器季脇上行乳

下二肋端


註足膝陰肝經起於足大指後去爪甲韭葉聚毛處循行足

跗上面走內踝上行膈膈過膝直上環陰器向外灣行至

季脇內斜上行直乳下二肋端而終

風

風



任 脈 圖



任脈歌

任脈起於兩陰中上行毛際腹中行頸下結喉中央上唇稜下

陷承漿名

註

任脈起於前陰後陰之中間前行橫骨上行毛際由毛際直上腹之中行上行頸下結喉上之中央由結喉上行至下唇稜下陷中而終

奇 厥 圖



御製藏書宗金鑑
卷六十一
編輯雜法要


督脈歌

督脈起於尻骨端後行脊背腰腦巔前行鼻柱皆中道脣內齒
上齦縫間

註

督脈起於尻骨之端由尻骨後行脊背之中行上行至顛
頂之中前行至鼻下人中至脣內門牙之中縫而終

分配藏府脈圖



上附上中附上季脇

胸中 胃脾 大腸
外內 外內 外內
上焦 中焦 下焦
寸關尺
天部 地部 人部
手

天部 地部 人部
寸關尺
上焦 中焦 下焦
外內 外內 外內
膈忠 膈脾 膈腎
上附上中附上季脇
手

按素問脈要精微論曰尺內兩旁則季脇也尺外以候腎尺內以候腹中附上左外以候肝內以候高右外以候胃內以候脾上附上右外以候肺內以候膈中左外以候心內以候臍中然外以候府內以候藏內經錄青確然可考豈有獨於脾胃則曰石外以候胃內以候脾者即當以右外以候胃內以候脾之句爲正其尺外之外字當寬內字尺裏之裏字當是外字中附上左右之內外字上附上左右之內外字皆當廢之故不循舊圖所列以符內候藏外候府之義

脈訣

脈部位歌

脈爲血脈百骸通大會之地寸口宗掌後高骨名關上關之前
後寸尺名

註

脈者血之府也周身血脈運行貫通十二經中皆有動脈
獨取寸口者蓋以其經每至寅時各經之氣皆上朝而大
會於肺故曰寸口宗也掌後有高骨隆起界於尺脈寸脈
之間名曰關部關前之位其名曰寸關後之位其名曰尺
尺寸者謂從關上至魚際長一寸從關下至尺澤長一尺
故名之也

脈分主歌

上焦候寸下焦尺中焦之候屬兩關包絡與心左寸應膽與肝
家在左關膀胱小腸腎左尺胸中及肺右寸間胃與脾脈右關
取大腸並腎右尺班

註

兩寸之脈主候上焦胸中兩關之脈主候中焦膈中兩尺
之脈主候下焦腹中左寸之脈浮候包絡沉以候心左關
之脈浮以候膽沉以候肝左尺之脈浮候膀胱小腸沉以
候腎右寸之脈浮候胸中沉以候肺右關之脈浮以候胃
沉以候脾右尺之脈浮候大腸沉亦候腎此遵內經分配
三部診脈法也偽訣以大腸小腸配寸三焦命門配尺包

絡竟置不問悉屬不經滑壽以左尺候小腸膀胱右尺候
大腸千古隻眼也當從之

浮沉脈歌

浮沉從肉上下行皮浮屬肺血心經筋沉屬肝骨沉腎肌肉爲
脾候在中

註

脈從肉上行者謂之浮脈從肉下行者謂之沉然心肺俱
浮於皮毛取之而得者肺之浮也於血脈取之而得者心
之浮也故曰皮浮屬肺血心經也肝腎俱沉以筋平取之
而得者肝之沉也至骨取之而得者腎之沉也故曰筋沉
屬肝骨沉腎也肌肉在浮沉之間屬脾其候在中故曰候

在中也凡脈以部位而得名者皆統於浮沉故以浮沉爲提綱以統濡弱芤伏牢革虛實微散諸脈也

濡弱芤伏牢革諸脈歌

浮沉無力曰濡弱中取無力芤脈看沉極筋骨爲伏脈浮沉極

力革牢參

註浮而無力謂之濡脈沉而無力謂之弱脈浮沉有力中取

無力狀如葱管謂之芤脈沉極推至筋骨按之而始得者

謂之伏脈浮而極有力者謂之革脈沉而極有力者謂之

牢脈

虛實微散諸脈歌

三部有力曰實脈三部無力虛脈稱三部無力而且小似有如無微脈名三部無力而且大渙漫不收散脈形

註

浮中沉三部俱有力謂之實脈浮中沉三部俱無力謂之

虛脈浮中沉三部無力按之且小似有似無謂之微脈浮

中沉三部無力按之且大渙漫不收謂之散脈

遲數緩疾結促代諸脈歌

三至為遲六至數四至為緩七至疾緩止為結數止促動止難

還代脈識

註

一呼一吸謂之一息一息三至謂之遲脈一息四至謂之

緩脈一息六至謂之數脈一息七至謂之疾脈緩脈動時

一止謂之結脈數脈動時一止謂之促脈結促之脈動而中止不能自還謂之代脈凡脈以至數而得名者皆統於遲數故以遲數爲提綱以統緩疾結促代五脈也

滑瀋弦緊洪細大長短動諸脈歌

滑脈如珠溜不定瀋脈滯澁往來艱弦脈端直細且勁緊比弦粗勁且彈來盛去衰洪脈是細則如絲大豁然長脈迢迢短縮縮如豆搖搖作動看

註

形狀如珠滑溜不定謂之滑脈往來滯澁進退維艱謂之瀋脈狀如弓弦細而端直按之且勁謂之弦脈較弦則粗按之勁左右彈者謂之緊脈上來應指而盛下去減力而

衰謂之洪。脈形軟直如絲者謂之細。脈形粗大豁然者謂之大。脈來去迢迢而長謂之長。脈來去縮縮而短謂之短。脈其形如豆約約動搖不移者謂之動。脈凡脈以形狀而得者皆統於滑濇。故以滑濇為提綱。以統弦緊洪細大長短動八脈也。

癰見疽脈疽見癰脈歌

癰脈宜洪大數若逢牢短化膿難。疽脈最宜沉與弱。浮大且散命歸泉。

註

癰乃陽毒應見陽脈。若洪大而數則毒易潰。若見牢短之脈則為陰凝氣少。故曰化膿難也。疽乃陰毒應見沉與

弱是為順脈若見浮大而散則為陽脫氣散故曰命歸泉也

癰疽伏脈歌

癰疽伏脈理當明毒閉於經六脈停
審證無凶宜穿發氣通脈
道自然行

註

癰疽二證有見伏脈者皆由於毒氣閉塞經絡營衛壅滯之故以致六脈停止沉伏不見也若審其證無凶象非死脈也治之惟宜穿通經絡宣發營衛使氣得通而脈道自然行矣

腫瘍潰瘍浮脈歌

腫瘍浮脈恐多虛或有風寒在表居潰後脈浮氣外瀉頻加補劑始相宜

註腫瘍脈浮者非氣血不足卽爲風寒在表須詳證施治潰瘍脈浮者乃氣從外瀉須補劑調養始爲合法

腫瘍潰瘍沉遲脈歌

腫瘍沉脈多毒閉潰後多毒在內存無力須詳毒內陷遲寒數熱更當分

註腫瘍不當脈沉而脈沉者乃毒閉使然也潰後而沉者是

毒尙存於內也若沉而無力恐內虛毒陷當詳審之沉而遲則爲兼寒沉而數則爲兼熱更當分別

腫瘍潰瘍數脈歌

腫瘍數脈宜熱毒數且兼洪欲作膿潰後洪大為病進膿出洪數治無功

註 腫瘍脈數作膿兼洪皆正應之脈也若潰後洪大膿出數

洪者皆為邪盛正虛病脈相反其病日進治亦無功

腫瘍潰瘍滑脈歌

腫瘍滑脈尚為順初起有痰治痰宜潰後痰多恐氣乏喘生毒

陷死之機

註 滑主流通腫瘍初起脈滑無痰尚為順脈若有痰則當以

治痰為急恐潰後痰多氣乏必致喘生毒陷而死也

腫瘍潰瘍瀆脈歌

腫瘍瀆脈屬毒滯有力為實無力虛潰後脈瀆為傷血急補氣血莫遲疑

註瀆主滯澁腫瘍初起脈瀆者乃氣血為毒滯之徵若按之

有力毒滯為實按之無力正損為虛不可不辨若潰後脈瀆為傷血不足之象急當大補氣血莫遲疑也

腫瘍潰瘍虛實脈歌

腫瘍脈虛宜內托潰後內虛大補寧腫瘍脈實宜消散潰後如

實毒未清

註腫瘍未潰脈虛者不須攻毒惟宜內托已潰脈應虛者急

當以大補收功如腫瘍未潰脈實者當消毒散毒已潰脈實者乃毒氣猶未清也

腫瘍潰瘍長脈歌

腫瘍長脈為有餘消散之方任所施潰後得之為氣治條然和暢不須醫

註

腫瘍見脈長者乃氣血有餘消散之方任意施治潰後脈長者乃氣之暢也故曰氣治不待醫藥自能愈也

腫瘍潰瘍短脈歌

腫瘍短脈元氣虛大加補劑始相宜潰後脈短為虛甚補之仍短決死期

名身醫全金卷之十一
三
註
腫瘍脈短者元氣虛也非大加補益之劑不可潰後脈短者虛之甚也若補之而脈仍短者則爲敗證其死必矣

腫瘍潰瘍洪脈歌

腫瘍洪脈陽熱盛宣熱攻毒必有功潰後洪脈毒留內治之不

退自然凶

註

腫瘍未潰脈洪者熱盛也宣熱攻毒之法可施若潰後脈

洪者邪盛也服藥而脈洪不退者爲正虛邪盛其凶不免

腫瘍潰瘍微脈歌

腫瘍微脈爲虛候內托受補始能痊潰後見此雖爲順微細無

神作逆觀

註
腫瘍無微者乃虛候也當以內托補劑為主受補者方能
痊可若潰後脈微雖為順候設按之微細無神則根本已
虧亦當作逆證觀也

腫瘍潰瘍動緊脈歌

腫瘍將發脈動緊乃因毒氣外搏經潰後見之毒內搏此為殘
賊證不輕

註
腫瘍見動脈緊脈者乃毒氣外搏於經之象也若潰後見
動緊之脈則為毒氣內搏於臟腑之象蓋動緊乃殘賊之
脈潰後不宜見之故曰證不輕也

腫瘍潰瘍緩脈歌

腫瘍脈緩何須藥和緩從容最吉祥潰後見之為胃好便和飲食自然康

註

腫瘍脈緩乃氣血和平不待服藥自然安愈之吉兆也潰後見之則為胃和飲食自甘二便自調其證自然康寧也

腫瘍潰瘍芤弦脈歌

腫瘍芤脈血原虛潰後見芤理所宜腫瘍弦脈邪作痛潰後而弦邪病脾

註

腫瘍未潰脈芤者其血必素虛也潰後見芤乃去血之後亦理之所宜也腫瘍脈弦者乃毒攻作痛之象蓋弦主痛也若潰後脈弦者則為肝邪侮脾蓋弦乃肝脈也

腫瘍潰瘍牢脈歌

腫瘍牢脈為邪固未作膿時脈見牢已潰見牢邪難已結核瘰癧不能消

註

腫瘍脈牢未作膿時見之主毒邪牢固難消潰後見之邪亦難已若一切結核瘰癧見此牢脈皆主牢固不能消之候也

腫瘍潰瘍濡弱脈歌

腫瘍濡弱脈不足扶虛托裏始能痊潰後雖為脈病應但無虛候始得安

註

腫瘍脈見濡弱不足者必用扶元托裏之劑始能痊也潰

後脈見濡弱雖爲脈病相應但無虛證始得安全若精神疲憊飲食不思亦危候也

腫瘍潰瘍散脈歌

腫瘍散脈最可愁毒盛氣散不能收潰後見斯亦爲逆急投補固或無憂

註

腫瘍最忌散脈蓋散脈爲毒盛氣散不能收功之診潰後見之亦主逆也急投補虛收固之劑或有生者

腫瘍潰瘍大細脈歌

腫瘍脈大爲順候潰後脈大不相宜腫瘍潰後脈細小總生癰疽氣血虛

註
腫瘍皰大爲正實毒必易出爲順候也潰後皰大爲病進
其毒難化爲不宜也腫瘍潰瘍皰見細小者總屬氣血兩
虛惟宜大補爲主

腫瘍潰瘍促皰歌

促皰無分腫潰瘍總爲陽結不宜常漸退毒散猶可愈常進不
退必然亡

註
腫瘍潰瘍皰見促者皆爲陽結但宜暫而不宜常也如促
皰漸漸而退則毒亦漸漸而散猶或可愈若常進不退其
亡必矣

腫瘍潰瘍結代皰歌

腫瘍結脈為陰結急宜溫解始能康潰後見結陰虛歇如代之歇定然亡

註 腫瘍脈結者乃陰結也急用溫散解毒之劑始可獲效若潰後見結脈則為陰虛之歇止尚不主死若如代脈之歇動而中止不能自還則為真臟之脈見定主亡也

十二經氣血多少歌

多氣多血惟陽明少氣太陽厥陰經二少太陰常少血血虧行氣補其榮氣少破血宜補氣氣血兩充功易成厥陰少陽多相火若發癰疽最難平

註

人之十二經有氣血多少之分多則易愈少則難痊瘍醫
明此臨證可豫知癰疽瘡瘍之始終難易而用藥消補之
法始當也如手陽明大腸足陽明胃此二經常多氣多血
手太陽小腸足太陽膀胱手厥陰心絡足厥陰肝此四經
常多血少氣手少陽三焦足少陽膽手少陰心足少陰腎
手太陰肺足太陰脾此六經常多氣少血大法血多者則
破其血氣多者則行其氣氣少者難於起發宜托補之血
少者難於收斂宜滋養之氣血兩充則易於起發易於收
斂惟手足厥陰少陽四經倍多相火此四經若發癰疽肌
肉難長瘡口難合倘過用驅毒峻利之藥以伐其氣以消

其血必難收功故明其經之氣血多少則用藥不致有妄汗妄下之弊矣

癰疽總論歌

癰疽原是火毒生經絡阻隔氣血凝外因六淫入風感內因六慾共七情飲食起居不內外負挑跌撲損身形膏粱之變營衛過藜藿之虧氣血窮疽由筋骨陰分發肉皰陽分發曰癰瘍起皮裏肉之外瘡發皮膚癢通名陽盛焮腫赤痛易陰盛色黯陷不疼半陰半陽不高腫微痛微焮不甚紅五善爲順七惡逆見三見四死生明臨證色皰須詳察取法溫涼補汗攻善治傷寒

雜證易能療癰疽腫毒精

註

經云諸痛癢瘡瘍皆屬心火故曰癰疽原是火毒生也癰疽皆因榮衛不足氣血凝結經絡阻隔而生故曰經絡阻隔氣血凝也其因有三外因內因不內外因也外因者由於春之風夏之熱暑長夏之濕秋之燥冬之寒也當其時而至則為正氣非其時而至或過盛則為淫邪凡此六淫為病皆屬外因亦有因於八風相感如冬至日正北大剛風立春日東北凶風春分日正東嬰兒風立夏日東南弱風夏至日正南大弱風立秋日西南謀風秋分日正西剛風立冬日西北折風應時而至主生養萬物不應時而至

主殺害萬物若人感受內生重病外生癰腫凡此八風爲病亦屬外因故曰外因六淫八風感也內因者起於耳聽淫聲眼觀邪色鼻聞過臭舌貪滋味心思過度意念妄生皆損人神氣凡此六慾爲病皆屬內因又有喜過傷心怒過傷肝思過傷脾悲過傷肺恐過傷腎憂久則氣結卒驚則氣縮凡此七情爲病亦屬內因故曰內因六慾共七情也不內不外因者由於飲食不節起居不慎過飲醇酒則生火消灼陰液過飲茶水則生濕停飲過食五辛則損氣血傷飢失飽則傷脾胃凡此皆飲食之致病也晝日過勞挑輕負重跌撲捫墜等類損其身形夜不靜息強力入房勞

傷精氣凡此皆起居之致病也其起於膏粱厚味者多令人榮衛不從火毒內結起於藜藿薄食者多令人胃氣不充氣血虧少凡此亦屬不內外因也人之身體計有五層皮脈肉筋骨也發於筋骨間者名疽屬陰發於肉脈之間者名癰屬陽發於皮裏肉外者名曰瘍毒只發於皮膚之上者名曰瘡癤凡癰疽陽盛者初起焮腫色赤疼痛則易潰易斂順而易治以其爲陽證也陰盛者初起色黯不紅塌陷不腫木硬不疼則難潰難斂逆而難治以其爲陰證也半陰半陽者漫腫不高微痛不甚微焮不熱色不甚紅此證屬險若能隨證施治不失其宜則轉險爲順否則逆

矣五善者五善之證也諸瘡見之爲順則易治七惡者七惡之證也諸瘡見之爲逆則難治凡患癰疽者五善爲順七惡爲逆見三善者則必生見四惡者則必死也醫者於臨證之時須詳察色脈宜溫者溫之宜涼者涼之宜補者補之宜汗者汗之宜攻者攻之庶有濟也然外證癰疽猶如內證傷寒善治傷寒則雜病無不易治能療癰疽則諸瘡無不精妙蓋以能辨表裏陰陽虛實寒熱也

癰疽陽證歌

陽證初起焮赤痛根束盤清腫如弓七日或疼時或止二七瘡內漸生膿痛隨膿減精神爽腐脫生新氣血充嫩肉如珠顏色

美更兼鮮潤若榴紅自然七惡全無犯應當五善喜俱逢須知此屬純陽證醫藥調和自有功

註

凡癰疽初起焮熱赤痛根束者暈不散也盤清者不漫腫也腫如弓者高腫也此皆屬陽之證故潰膿脫腐生新收口俱見易也

癰疽陰證歌

陰證初起如粟大不紅不腫疙瘡僵木硬不痛不焮熱瘡根平大黯無光七朝之後不潰腐陷軟無膿結空倉瘡上生衣如脫甲孔中結子似含芳紫黑膿稀多臭穢若見七惡定知亡須知此屬純陰證雖有岐黃命不長

註
凡癰疽初起如粟米大之疙瘩不紅不腫不焮熱木硬不痛瘡根散漫色黯無光者此皆屬陰之證故不潰腐空倉無膿生衣如甲葉不脫孔中結子如花含子紫黑膿清臭穢俱見難愈也

癰疽半陰半陽歌

陰陽相半屬險證陽吉陰凶生死昭似陽微痛微焮腫如陰半硬半腫高腫而不潰因脾弱潰而不斂為膿饒五善之證雖兼有七惡之證不全逃若能飲食知味美二便調和尙可療按法施治應手效陽長陰消自可調

註
凡癰疽似陽不甚焮熱腫痛似陰不甚木硬平陷此屬半

陰半陽之險證若漸生善證則生漸生惡證則死也

癰疽五善歌

心善精神爽言清舌潤鮮不躁不煩渴寤寐兩安然肝善身輕
便不怒不驚煩指甲紅潤色溲和便不難脾善唇滋潤知味喜
加餐膿黃稠不穢大便不稀乾肺善聲音響不喘無嗽痰皮膚
光潤澤呼吸氣息安腎善不午熱口和齒不乾小水清且白夜
臥靜如山

註

寤寐者醒與睡也不怒不驚者不自怒驚也溲者小水也
便者大便也不午熱者不午後發熱也

癰疽七惡歌

一惡神昏憤心煩舌燥乾瘡色多紫黑言語自呢喃二惡身筋
強目睛正視難瘡頭流血水驚悸是傷肝三惡形消瘦瘡形陷
又堅膿清多臭穢不食脾敗難四惡皮膚槁痠多韻不圓喘生
鼻煽動肺絕必歸泉五惡時引飲咽喉若燎烟腎亡容慘黑囊
縮死之原六惡身浮腫腸鳴嘔飢繁大腸多滑泄臟腑敗之端
七惡瘡倒陷如剝鱗一般時時流污水四肢厥逆寒

註

呢喃言語不清也驚悸心驚跳也消瘦肌肉消瘦也皮膚
槁乾槁也韻不圓不響亮也鼻煽動鼻孔煽動也咽喉若
燎烟乾熱瘡痛也容慘不樂也囊縮外腎縮也嘔飢嘔而
作格逆也如剝鱗瘡面無皮似剝皮鱗魚之狀也

癰疽順證歌

順證初起小漸大憎寒壯熱漸熾疼氣盛頂尖高腫起血盛根
脚收束紅陽證二七膿熟潰陰證廿一膿始成已潰醃氣無滲
氣腐脫新生飲食增瘡形雖大終無害老少壯弱俱成功

註癰疽初起從小而大漸漸憎寒壯熱漸漸疼痛熾赤氣盛

者頂尖高腫而起血盛者則根脚收束而紅此順證也陽
證則十四日而膿卽熟者陽性速也陰證必待廿一日而
膿始成者陰性遲也已潰膿有醃氣而無滲氣者則腐肉
易脫新肉易生飲食自增瘡形雖大終無害也醃氣卽俗
呼哈拉氣也

癰疽逆證歌

逆證黍米不知疼漫腫不熱頂塌平未老白頭豎且硬舌乾煩
躁不生膿肉腫瘡陷豬肝紫遺尿直視并撮空眼神透露精神
短身縮循衣唇吻青面若塗脂皮枯槁唇白腹脹定難生已潰
內堅皮破爛腐後心煩膿水清新肉不生多臭穢頭低項顛慄
悴容陽病指甲青必絕陰病額紅命必終鼻生烟煤譫妄語新
肉板片瀉直傾面色土黃耳枯黑人中抽縮溝坦平口張氣出
無回返鼻孔相撮隨息行汗出如珠不易散血水如肺痰膠凝
肉綻爛斑神離亂滿面黑氣慘天庭綿潰內似葡萄箴眼眶迷
漫黑氣濃以上無論腫與潰但逢此證悉屬凶

註
癰疽初起形如黍米不知疼痛漫腫不熱頂見平塌未潰
白頭按之堅硬舌乾煩躁此等逆證決不化膿肉腫瘡不
腫而陷其色如豬肝之紫者見毒邪已深也若更見遺尿
直視神露神短撮空循衣唇吻青面若塗脂皮膚枯槁唇
白腹脹種種惡候斷無生理已潰後內堅皮爛腐後心煩
膿水清稀新肉不生臭穢難近頭低項軟形容憔悴陽病
指甲青色陰病兩顴紅赤以至眼眶迷漫黑氣濃等證無
論毒之腫潰但逢此數者皆為凶證難治也

癰疽辨種歌

虛漫實高火焮紅寒腫木硬紫黯青濕深肉綿淺起炮風腫宣

浮微熱疼痰腫硬綿不紅熱鬱結更硬若岩稜氣腫皮緊而內
軟喜消怒長無熱紅瘀血跌撲暴腫熱產後閃挫久瘀經木硬
不熱微紅色將潰色紫已成膿

註

人之氣血周流不息稍有壅滯卽作腫矣然腫有虛腫實
腫寒腫濕腫風腫痰腫有鬱結傷肝作腫有氣腫有跌撲
瘀血作腫有產後與閃挫瘀血作腫諸腫形勢各異如虛
者漫腫實者高腫火腫者色紅皮光焮熱殭硬寒腫者其
勢木硬色紫黯青濕腫者皮肉重墜深則按之如爛棉淺
則起光亮水炮破流黃水風腫者皮膚拘皺不紅其勢宣
浮微熱微疼痰腫者軟如綿硬如饅不紅不熱鬱結傷肝

作腫者不紅不熱堅硬如石棱角狀如岩凸氣腫者以手按之皮緊而內軟遇喜則消遇怒則長無紅無熱皮色如常跌仆瘀血作腫者暴腫大熱胖脹不紅產後與閃挫瘀血作腫者瘀血久滯於經絡忽發則木硬不熱微紅若膿已成而將潰者其色必紫諸腫形狀如此不可一槩而論也

癰疽辨痛歌

輕痛肌肉皮膚淺重痛身在骨筋間虛痛饑甚不脹閉喜人揉按暫時安實痛飽甚多脹閉畏人挨按痛難言寒痛喜煖色不變熱痛熾痛遇冷歡膿痛鼓長按復起瘀痛隱隱潰不然風痛

氣痛皆走注風刺氣刺細心看

註痛由不通然亦種種不一有輕痛重痛虛痛實痛寒痛熱

痛膿痛瘀血凝結作痛風痛氣痛之別輕痛者肌肉皮膚
作痛屬淺重痛者痛徹筋骨屬深虛痛者腹飢則甚不脹
不閉喜人揉按暫時可安實痛者食飽則甚又脹又閉畏
人挨按痛不可言寒痛者痛處定而不移皮色不變遇煖
則喜熱痛者皮色焮赤遇冷則散膿痛者憎寒壯熱形勢
鼓長按而復起瘀血凝結作痛者初起隱隱作痛微熱微
脹將潰則色紫微痛既潰則不疼風痛者走注甚速氣痛
者流走無定刺痛難忍諸痛如此不可不詳辨也

癰疽辨膿歌

癰疽未成宜消托已成當辨有無膿按之堅硬無膿象不熱無
膿熱有膿大軟應如膿已熟半軟半硬膿未成按之即起膿已
有不起無膿氣血窮深按速起稀黃水深按緩起壞汚膿實而
痛甚內是血內是氣兮按不疼輕按即痛知膿淺重按方疼深
有膿薄皮剝起其膿淺皮不高阜膿必濃稠黃白膿宜先出桃
紅紅水次第行肥人膿多瘦人少反此當究有變凶稠黃氣實
虛稀白粉漿污水定難生汗後膿穢猶可愈膿出身熱治無功
註凡看癰疽瘡瘍形勢未成者即用內消之法若形勢已成
即用內托之法當辨膿之有無淺深以手按之堅硬者無

膿之象按之不熱者無膿熱者有膿按之大軟者內膿已
熱半軟半硬者膿未全成按之指起卽復者有膿不復者
無膿其氣血必窮而虛甚也深按之而速起者內是稀黃
水深按之而緩起者內是壞汚膿按之實而痛甚者內必
是血按之虛而不疼者內必是氣輕按卽痛者其膿淺重
按方痛者其膿深薄皮剝起者其膿必淺皮色不變不高
阜者其膿必稠大抵癰疽瘡瘍先宜出黃白稠膿次宜出
桃花膿再次宜流淡紅水胖人宜於膿多瘦人宜於膿少
若胖人膿少是肉不腐瘦人膿多是肉敗壞皆非吉也又
凡氣實者多稠黃膿氣虛者多稀白膿半虛半實者多稠

白膿又有膿出如粉漿如污水者謂之敗漿不治之證也
命必難生惟汗後膿穢者可愈若膿已出而身猶大熱不
休者治亦無功蓋癰疽之得膿如傷寒之得汗汗出而反
大熱者壞傷寒也膿出而身猶大熱者壞癰疽也

癰疽辨癢歌

初起作癢因風熱潰後膿瀝或冒風將斂作癢生新肉癢若蟲
行氣血充

註

癢屬風亦各有因凡腫瘍初起皮膚作癢者爲風熱相搏
潰後作癢者輕由膿瀝甚由瘡口冒風故突起疙瘩形如
小米抓破之後津水者是脾濕津血者是脾燥若將斂作

癢者緣初腫時肌肉結滯氣血罕來及至將斂氣血漸充助養新肉故癢也然必癢若蟲行方稱美疾他如疥癬作癢皆屬風淫勿視爲一類也

癰疽辨暈歌

眞暈應知非腫痕瘡旁形狀若紅筋藏府蘊受銳毒發三暈可愈五傷身

註俗以腫痕爲暈非眞暈也眞暈生於瘡口之旁狀若紅筋皆因藏府蘊受銳毒而成二三暈可治五暈難醫

癰疽總論治法歌

癰疽瘡瘍初如粟麻癢焮痛卽大毒不論陰陽灸最宜灸後湯

洗膏固護內用疎解與宣通外宜敷藥四圍束輕證神燈照三
枝平塌須急補不足高腫不可過於攻內熱毒盛須消毒二便
秘結宜通利臟腑宣通方爲福十日以後瘡尙堅鉞鉞點破最
宜先半月之後膿若少藥筒拔提膿要黏瘡已潰爛腐不脫當
腐剪破開其竅能令膿管得通流自然瘡頭無閉塞頻將湯洗
忌風吹去腐須當上靈藥生肌散用將斂時保養須勤毋怠惰
切忌膿出投寒涼冬宜溫室夏明窻肌肉長平將蒼斂謹慎調
理更加詳新肉如珠皮不斂若失保養命多亡

註癰疽瘡瘍初起如粟若麻癢痲痛者卽毒甚也七日以前
形勢未成不論陰陽俱先當灸之輕者使毒氣隨火而散

重者拔引鬱毒通徹內外實良法也灸完卽用湯洗之法
洗完用太乙膏貼於瘡頂上預防風襲內服疎解宣通之
劑如神授衛生湯內疎黃連湯蟾酥丸之類外圍敷藥如
冲和膏玉龍膏之類四圍束之輕證以神燈照照之每用
三枝如形勢已成當因證施治平塌者宜投補劑以益其
不足使毒外出高腫者不可過於攻伐以傷元氣致難潰
斂內熱盛者須佐消毒之劑以防毒熾二便秘結者急用
通利之方使臟腑宣通方爲佳兆如十日之後瘡尙堅硬
必須用鉞鍼當頭點破半月之後膿尙少者急用藥筒拔
法拔之膿血膠黏者爲順紫血稀水者爲逆過二十一日

縱有稀膿亦難治矣若已潰之後腐仍不脫堵塞瘡口者
用刀剪當頭剪開寸餘使膿管通流自然瘡不閉塞拔膿
剪腐已完用方盤一箇瘡下放定將猪蹄湯以軟帛淋洗
瘡上併入孔內輕手擦淨內膿庶收腐宿膿隨湯而出以
淨爲度再以軟帛疊成七八重勿令太乾帶湯乘熱覆於
瘡上兩手輕按片時帛溫再換如此洗按四五次血氣疏
通患者自然爽快每日如是洗之謹避風寒腐肉處以黃
靈藥摻之候腐肉脫盡已見紅肉時洗後隨用柅脚挑玉
紅膏於手心上捺化捺塗瘡口內外用太乙膏蓋之不數
日新肉頓生瘡勢將斂以生肌散或珍珠散撒之保養謹

慎不可怠緩膿出後切忌投以寒涼之藥患者冬宜溫室
防其寒也夏宜明窓避風暑也肌肉長平蒼斂時尤加小
心謹慎調理即使新肉如珠皮口將斂若調理疏忽失於
保養恐致虛脫暴變命必危亡矣

內消治法歌

內消表散有奇功 脈證俱實用最靈 脈證俱虛宜兼補 發渴便
秘貴疎通 清熱解毒活氣血 更看部位屬何經 主治隨加引經
藥毒消肌肉自然平

註

經云發表不遠熱又云汗之則瘡已故曰內消表散有奇
功也惟脈證俱實者斯可用之若脈證俱虛便宜兼補發

渴便秘須急疏行不可概施表散之劑也癰疽皆因氣血
凝結火毒太盛所致故以清熱解毒活氣活血為主更宜
詳看部位屬何經絡卽用引經之藥以治之則腫痛自消
肌肉自平矣

內托治法歌

已成不起更無膿堅硬不赤或不疼膿少清稀口不斂大補氣
血調衛榮佐以祛毒行滯品寒加溫熱禦寒風腫消膿出腐肉
脫新生口斂內托功

註

凡瘡腫已成不能突起亦難潰膿或堅腫不赤而疼或不
疼膿少清稀瘡口不合皆氣血虛也宜以大補氣血調和

榮衛爲君祛毒爲佐加以辛香行其鬱滯加以溫熱禦其風寒候膿出腫消腐肉盡去氣血充足新肉自然生矣

虛實治法歌

癰疽未膿灸最良藥服托裏自安康發熱惡寒身拘緊無汗表散功最長腫硬口乾二便秘下利毒熱自然涼焮痛熱盛癩藥渴便和清熱自吉昌內膿不出瘀肉塞用刀開割法相當輒澣無膿不腐潰宜服溫補助生陽潰後新肉如凍色倍加溫熱自吉祥大汗亡陽桂枝附自汗肢厥四逆湯脾虛潰後肌消瘦膿水清稀面白黃不眠發熱瘡口懈食少作渴大便澹宜服清補助脾劑投方應證保無妨

註

凡治癰疽不問陰陽表裏日數遠近但未見膿時俱宜灸之
之焮腫發熱脈浮者宜用托裏之藥若脈緊發熱惡寒遍
身拘緊無汗者宜用表散之藥腫硬口乾二便秘澀者宜
用下利之藥以洩其毒熱焮痛勢深煩躁飲冷口燥舌乾
便和者宜用清熱之藥內膿不出瘀肉堵塞瘡口者用刀
開割之軟漫無膿不腐潰者陽虛也助以溫補之劑以生
其陽潰後新肉生遲如凍色者肉冷肌寒也宜倍加溫熱
之藥如大汗不止者亡陽也宜用桂枝附子等藥自汗肢
厥者宜用四逆湯若潰後肌肉消瘦膿水清稀面色黃白
者脾虛也不寐發熱者虛火上炎也瘡口懈大者氣陷不

固也食少作渴大便溏者脾虛熱也俱宜服清補助脾之

藥

癰疽鍼法歌

取膿除癰用鉞鉞輕重疾徐在一心皮薄鉞深傷好肉肉厚鉞淺毒猶存腫高且軟鉞四五堅腫宜鉞六七分腫平肉色全不變此證當鉞寸許深背腹肋脅生毒患扁鉞斜入始全身欲大開口鉞斜出小開直出法須遵氣虛先補鉞宜後膿出證退效如神用在十日半月後使毒外出不傷人又有不宜用鉞處癰瘤冬月與骨筋

註經云癰氣之癰者當以鉞開除去之又云鉞鉞末如鋒銳

以取大膿故曰取膿除瘰用鉞鉞也其輕重疾徐自有一
定在人心度量用之不可亂施蓋皮薄鉞深反傷好肉肉
厚鉞淺毒又難出大抵腫高而輭者在肌肉鉞四五分腫
下而堅者在筋脈鉞六七分腫平肉色不變者附於骨也
宜鉞寸許若毒生背腹肋脅等處宜扁鉞斜入以防透膜
鉞既透膿視瘡口必有膿意如珠斯時欲大開口則將鉞
斜出欲小開口則將鉞直出所謂逆而奪之順而取之也
隨以棉紙撚蘸元珠膏度之使膿會齊二三時將撚取出
瘡口貼太乙膏四圍敷烏龍膏元氣虛者必先補而後鉞
膿一出則諸證悉退再者用鉞自有其時不可太早亦不

可太遲如十日之間瘡尙堅硬用鈹鍼當頭點破半月後
不作膿腐者用鈹鍼品字樣三孔開之不問深淺以知痛
爲佳隨用藥筒拔法拔之又有不宜鍼者如癭瘤結核之
類肚臍骨節近筋之處及冬月閉藏之時皆在所禁也

癰疽砭法歌

癰疽腫赤走不定赤遊丹毒紅絲疔時毒瘀血壅盛證砭石治
法最宜行只須刺皮無傷肉磁鋒對患最宜輕毒血遇刺皆出
盡腫消紅散有奇功

註

凡癰疽紅腫色赤遊走不定及赤遊丹毒紅絲疔走散時
毒瘀血壅盛等證皆宜行砭石之法然忌其太深內經所

謂刺皮無傷肉也法用細磁器擊碎取有鋒芒者一塊用
筋一根將頭劈開夾而縛之用二指輕捺筋稍以磁鋒對
患處懸寸許再用重筋一根頻擊筋頭令毒血遇刺皆出
至次日腫未全消再量行砭之以腫消紅散爲度

癰疽灸法歌

癰疽初起七日內開結拔毒灸最宜不痛灸至痛方止瘡疼灸
至不疼時法以濕紙覆其上乾處先灸不宜遲蒜灸黃蠟附子
灸豆豉蟻螯各用之

註

凡癰疽初起七日以前開結拔毒非灸不可不痛者灸至
知痛瘡疼者灸至不疼蓋着毒則不痛至好肉則痛必灸

至知痛者令火氣至好肉方止也着皮肉未壞處則痛着
毒則不痛必灸至不疼者令火氣着毒方止也法以紙蘸
水滿覆患上看紙先乾處卽先灸之但灸法貴於早施如
證起二三日卽灸十證可全八九四五日灸者十證可全
六七六七日灸者十證可全四五愈早愈妙其法不一有
隔蒜灸者有當肉灸者有用黃蠟灸者有用附子灸豆豉
灸蠟糟灸者一壯灸至百壯以效爲度至艾壯之大小則
量瘡勢以定之然灸有應忌者如腎俞發不宜灸恐消腎
液手指不宜灸因皮肉澆薄恐皮裂肉努至於頭乃諸陽
之首諸書俱云禁灸若誤灸逼毒入裏令人痰喘上涌反

加大腫然遇純陰下陷之證必當灸之不灸則不能回陽
若半陰半陽之證則仍當禁而不灸

隔蒜灸法

大蒜切成片約三錢厚安瘡頭上用大艾壯灸之三壯卽換
一蒜片若漫腫無頭者以濕紙覆其上視其先乾處置蒜片
灸之兩三處先乾兩三處齊灸之有一點白粒如粟四圍紅
腫如錢者卽於白粒上灸之若瘡勢大白數多者以蒜搗爛
鋪於瘡上艾鋪蒜上灸之蒜敗再易以知痛甚爲效凡癰疽
流注鶴膝風每日灸二三十壯癰疽陰瘡等證艾數必多宜
先服護心散以防火氣入內灸小兒先將蒜置大人臂上燃

名醫醫宗金鑑卷之十一
艾候蒜温卽移於小兒毒上其法照前經云寒邪客於經絡
之中則血泣血泣則不通不通則衛氣從之壅遏而不得行
故熱大熱不止則肉腐爲膿蓋毒原本於火然與外寒相搏
故以艾火蒜灸之使開結其毒以移深居淺也

黃蠟灸法

凡癰疽發背惡瘡頑瘡先以濕麵隨腫根作圈高寸餘實貼
皮上如井口形勿令滲漏圈外圍布數重防火氣烘膚圈內
鋪蠟屑三四分厚次以銅漏杓盛桑木炭火懸蠟上烘之令
蠟化至滾再添蠟屑隨添以井滿爲度皮不痛者毒淺灸至
知痛爲度皮痛者毒深灸至不知痛爲度去火杓卽噴冷水

少許於蠟上俟冷起蠟蠟底之色青黑此毒出之徵也如漫腫無頭者亦以濕紙試之於先乾處灸之初起者一二次卽消已成者二三次卽潰瘡久潰不斂四圍頑硬者卽於瘡口上灸之蠟從孔入愈深愈妙其頑腐癩膿盡化收斂甚速

附子餅灸法

生川附子爲末黃酒合作餅如三錢厚安瘡上以艾壯灸之每日灸數壯但令微熱勿令疼痛如餅乾再易餅灸之務以瘡口紅活爲度治潰瘍氣血俱虛不能收斂或風寒襲之以致血氣不能運行者實有奇驗

豆豉餅灸法

癰疽發背已潰未潰用江西淡豆豉為末量瘡大小黃酒合
作餅厚三分置患處灸之餅乾再易餅如已有瘡孔勿覆孔
上四布豉餅列艾其上灸之使微熱勿令肉破如熱痛急易
之曰灸三度令瘡孔出汗即瘥

蟻螬灸法

疔癩惡瘡諸藥不驗者取蟻螬剪去兩頭安瘡口上以艾灸
之七壯一易不過七枚無不效者

麥冬粳米飲

此方治癰疽陰瘡法當艾灸或灸太過者或陽瘡不應灸而
誤灸者以致火毒入裏令患者頭項浮腫神昏痰湧吁吁作

喘急服此藥以清解火毒甚效

麥門冬

去心

粳米 各三錢

水二鍾煎一鍾徐徐熱服

方歌 麥冬粳米各等分能醫灸後頭項腫神昏痰湧作喘聲水

煎徐徐功最勇

癰疽烙法歌

烙鍼二枚須一樣筋大頭圓七寸長
燃時蘸油燒火上斜入向
輒烙斯良一烙不透宜再烙膿水流
出始安康再用紙撚入烙
口外貼膏藥古稱強此法今時不常用
惟恐患者畏驚惶今時
多用陽燧錠代火鍼烙實奇方

註
癰疽流注經久不消內潰不痛宜用火鍼烙之二枚一樣
形如筋粗頭圓長七寸燃時蘸香油炭火上燒紅於瘡頭
近下斜入向軟處烙之一烙不透再烙必得膿水不假手
按流出方用綿紙撮攔如繩狀隨深淺攔入烙口餘紙分
開外貼膏藥此古法也今罕用之蓋恐患者驚懼故以陽
燧錠代之

陽燧錠

蟾酥

末

硃砂

末

川烏

末

草烏

末

各五分

直殭蠶

末

一條

以上共和勻用硫黃一兩五錢置杓內微火炖化次入前

蟾酥等末攪勻再入當門子麝香二分冰片一分攪勻卽
傾入濕磁盤內速盪轉成片俟冷取收磁確內用時取甜
瓜子大一塊要上尖下平先用紅棗肉擦灸處粘藥於上
用燈草蘸油燃火焯藥錠上灸五壯或七壯九壯畢卽飲
米醋半酒鍾候起小炮用線鍼串破出黃水些須貼萬應
膏其毒卽消如風氣痛用筋子於骨縫中按之痠痛處以
黑點記灸之再諸瘡初起於腫處各灸三五壯立瘥
方歌
陽燧錠灸寒腫瘡珠砂二烏彊硫黃火煉加蟾共冰麝乘
熱傾出成片良

神燈照法歌

癰疽輕證七日時神燈照法最相宜未成自消已成潰卽發卽腐實稱奇油浸灼火周圍照初用三根漸加之照後敷藥貼患上有膿湯洗不宜遲

註

凡癰疽輕證初起七日前後神燈照法最宜能使未成者自消已成者自潰不起發者卽起發不腐者卽腐實有奇驗將神燈照麻油浸透用火點着離瘡半寸許自外而內周圍徐徐照之火頭向上藥氣入內毒氣隨火解散自不致內侵臟腑初用三根漸加至四五根候瘡勢漸消時仍照之但照後卽用敷藥圍敷瘡根比瘡暈大二三分爲率瘡口用萬應膏貼之如乾及有膿用豬蹄湯潤洗之如已

潰大膿瀉時不必用此照法

神燈照法方

硃砂

雄黃

血竭

沒藥

各二錢

麝香

四分

共為細末每用三分紅綿紙裹藥搓燃長七寸麻油浸透

聽用

方歌神燈照法功速急麝沒雄硃血竭宜為末紙裹麻油潤火

點薰瘡火毒離

桑柴火烘法歌

癰疽初起腫且疼重若負石不潰膿桑柴烘法能解毒止痛消

腫有奇功新桑樹根劈條用木枝長有九寸零劈如指粗一頭
燃吹滅用火患處烘片時火盡宜再換每用三四枝方靈每日
須烘二三次腫潰腐脫新肉生

註

凡癰疽初起腫痛重若負石堅而不潰者桑柴烘之能解
毒止痛消腫散瘀毒水一出卽能內消若潰而不腐新肉
不生疼痛不止者用之助陽氣散瘀毒生肌肉移深居淺
實有奇驗法用新桑樹根劈成條或桑木枝長九寸劈如
指粗一頭燃着吹滅用火向患處烘片時火盡再換每次
烘三四枝每日烘二三次以知熱腫潰肉腐爲度此古法
也但桑柴火力甚猛宜用於未潰之先可以生發陽氣速

潰速腐若已潰之後或瘡口寒或天氣寒或肌肉生遲者亦須烘之使肌肉常煖法以桑木燒作紅炭以漏杓盛之懸憲上自四圍烘至瘡口或高或低總以瘡知熱爲度每日烘後再換敷貼之藥蓋肌肉遇煖則生潰後烘法亦瘍科所不可缺也

牛膠蒸法歌

癰疽發背痔漏瘡牛膠蒸法最相當熬稠攤紙貼患上醋煮軟布熱蒸良溫易瘡癢膿出盡洗法膠紙貫衆湯

註

癰疽發背痔漏惡瘡膿瘡久頑不斂等瘡用牛皮膠一塊水熬稀稠得所攤厚紙上每剪一塊貼瘡口次用醪醋煮

軟布二塊乘熱罨膠紙上蒸之稍溫再易蒸至瘡癢膿出
至盡豫用貫衆二兩煎湯熱洗去膠紙外用膏藥貼之次
日照前蒸洗直至膿盡瘡乾爲度

藥筒拔法歌

癰疽陰證半月間不發不潰硬而堅重如負石毒膿鬱致生煩
躁拔爲先鉞鍼放孔品字樣膿鮮爲順紫黑難

註

癰疽陰證十五日前後瘡不起發膿至深不能外潰瘡勢

堅硬重如負石毒膿內潰好肉致生煩躁宜用藥筒拔法
爲先令毒膿得門路而出豫將竹筒藥水煮熟次用鉞鍼
置瘡頂一寸之內品字樣放開三孔深一寸或半寸量瘡

之高下取竹筒乘熱合於瘡孔上拔出膿血紅黃鮮明者為順證易治若膿血紫黑者為敗證難治

煮竹筒方

羌活

獨活

紫蘇

蘄艾

菖蒲

白芷

甘草

各五錢

連鬚葱

二兩

水十碗熬數滾聽用次用鮮嫩竹一段長七寸徑口一寸半一頭留節刮去青皮厚約分許靠節鑽一小孔以杉木條塞之放前藥水內煮數十滾將藥水鍋置患人榻前取筒傾去藥水乘熱急合瘡頂鍼孔上按緊自然吸住待片

石集醫方全錄卷之二十一
時藥筒已濕拔去杉木塞子其筒易落外用膏藥蓋貼勿
令受風膿血不盡次日再煮仍按舊孔再拔治陰瘡擠膿
不受疼之良法也勿忽之如陽瘡則不必用此法恐傷氣
血慎之

方歌藥水煮筒有奇能令瘡膿出不受疼
菖蓀羌獨艾芷草整
葱竹筒水煮濃

御纂醫宗金鑑卷六十二

編輯外科心法要訣目錄

腫瘍主治類方

仙方活命飲

神授衛生湯

清熱消風散

乳香黃耆散

內疎黃連湯

回陽三建湯

蘇竹葉黃耆湯

內消散

內固清心散

琥珀蠟礬丸

護心散

透膿散

托裏消毒散

神功內托散

名醫醫宗全錄卷之十二

復元通氣散

雙解貴金丸

黍米寸金丹

黍靈丹

保安萬靈丹

腫瘍敷貼類方

如意金黃散

五龍膏

四虎散

真君妙貼散

二青散

坎宮錠子

離宮錠子

白錠子

蝌蚪拔毒散

二味拔毒散

回陽玉龍膏

冲和膏

鐵桶膏

烏龍膏

神效千搥膏

馬齒莧膏

潰瘍主治類方

四君子湯

四物湯

八珍湯

十全大補湯

人參養榮湯

內補黃耆湯

異功散

理中湯

六君子湯

香砂六君子湯

托裏定痛湯

聖愈湯

柴胡四物湯

地骨皮飲

知藥四物湯

三黃四物湯

補中益氣湯

人參黃耆湯

獨參湯

溫胃飲

橘皮竹茹湯

胃愛丸

二神丸

加味地黃丸

參米膏

八仙糕

洗滌類方

葱歸湯腫湯

艾葺敷法

豬蹄湯

膏藥類方

萬應膏

紺珠膏

陀僧膏

巴膏

亞聖膏

絳珠膏

絳紅膏

加味大乙膏

白膏藥

化腐紫霞膏

貝葉膏

碧螺膏

麻藥類方

瓊酥散

整骨麻藥

外敷麻藥

去腐類方

白降丹

紅升丹

元珠膏

生肌類方

生肌定痛散

輕乳生肌散

薑礬散

腐盡生肌散

月白珍珠散

五色靈藥

生肌玉紅膏

瑩珠膏

呂祖一枝梅

御纂醫宗金鑑卷六十二

編輯外科心法要訣

腫瘍主治類方

仙方活命飲

此方治一切癰疽不論陰陽瘡毒未成者即消已成者即潰化膿生肌散瘀消腫乃瘡癰之聖藥誠外科之首方也故名之曰仙方活命飲

穿山甲

三大片炒

皂刺

五分

歸尾

一分

甘草節

一錢

金銀花

二錢

赤芍藥

五分

乳香

五分

沒藥

五分

花粉

一錢

石象醫宗全錄卷之二十一

防風 七分

貝母 一錢

白芷 一錢

陳皮 一錢五分

右十三味好酒煎服恣飲盡醉

方歌 仙方活命飲平劑瘡毒癰疽俱可醫未成即消疼腫去已

成膿化立生肌穿山皂刺當歸尾草節金銀赤芍宜乳沒

天花防貝芷陳皮好酒共煎之

神授衛生湯

此方治癰疽發背疔瘡對口一切丹瘤惡毒諸證服之宜熱

散風行瘀活血消腫解毒疎通藏府乃表裏兩實之劑功效

甚速

卷之二十一

皂角刺 一錢

防風 六分

羌活 八分

白芷 六分

穿山甲 六分
炒

連翹 六分

歸尾 一錢

乳香 五分

沉香 六分

金銀花 一錢

石決明 六分

天花粉 一錢

甘草節 一錢

紅花 六分

大黃 二錢
酒拌炒

右十五味水二碗煎八分病在上部先飲酒一杯後服藥

病在下部先服藥後飲酒一杯以行藥力

如氣虛便利者不用大黃

方歌神授衛生表裏劑癰疽諸瘡惡毒良行瘀活血兼消腫表

裏疎通實劑方皂刺防風羌芷甲連翹歸尾乳沉香金銀

石決天花粉甘草紅花共大黃

清熱消風散

此方治癰疽瘡腫已成未成之際無表無裏故外不惡寒內不便秘惟紅腫焮痛高腫有頭者宜服此藥以和解之也

皂角刺 一錢
防風 五分
陳皮 一錢

連翹 一錢
去心
花粉 五分
柴胡 一錢

黃芩 五分
川芎 五分
白芍 五分

甘草 五分
當歸 五分
黃耆 一錢

金銀花 五分
蒼朮 一錢
紅花 一錢

右藥十五味水二鍾煎八分食遠服

方散 清熱消風無表裏癰疽諸毒和解方皂刺防風陳翹粉柴

芩蒿芍草耆當銀花蒼朮紅花八婦女還加香附良

若婦人加香附子用童便炒

乳香黃耆散

此方治癰疽發背諸毒疔瘡疼痛不可忍者乃氣虛不勝毒之故也服之未成即消已成即潰不用刀砭惡肉自脫并治

打撲損傷筋骨疼痛之證

當歸 一錢

白芍 一錢

人參 一錢

生黃耆 一錢

川芎 一錢

熟地 一錢

乳香 五分

沒藥 五分

陳皮 一錢

粟殼

一錢
去筋膜蜜炙

甘草節

一錢

右水二鍾煎八分量病上下食前後服之

方歌乳香黃耆治氣弱癰疽諸毒痛難當未成即消已成潰歸

芍參耆芎地黃乳沒粟陳甘草節更醫打撲筋骨傷

丙疎黃連湯

此方治癰疽陽毒在裏火熱發狂發熱二便秘澀煩躁嘔噦
舌乾口渴飲冷等證六脈沉數有力者急宜服之以除裏熱

山梔

一錢

連翹

一錢

薄荷

一錢

甘草

五分

黃芩

一錢

黃連

一錢

桔梗

一錢

大黃

二錢

當歸

一錢

白芍 一錢

木香 一錢

檳榔 一錢

右水二茶鍾煎八分食前服加蜜二匙亦可

方歌 內疎黃連瀉裏熱癰瘡毒火陽盛狂腫硬發熱二便秘煩

躁乾嘔渴飲涼梔翹薄草芩連桔大黃歸芍木檳榔

回陽三建湯

此方治癰疽發背初起不疼不腫不紅不熱堅如頑石硬若牛皮體倦身涼脈息遲細色似土硃粟頂多孔孔流血根脚平散輒陷無膿皮不作腐頭溫足涼者並急服之

人參 一錢

附子 一錢

當歸 一錢

川芎 一錢

甘草 五分

茯苓 一錢

生黃耆

一錢

枸杞

一錢

紅花

五分

紫草

五分

獨活

五分

陳皮

一錢

蒼朮

炒五分

厚樸

炒五分

木香

五分

山萸肉

一錢

此右十六味加煨薑三片皂角樹根上白皮二錢水二碗煎

回陽八分入酒一杯隨病上下食前後服之用棉帛覆蓋瘡上

常令溫煖不得大開瘡孔走泄元氣為要

方歌

回陽三建治陰疽體倦身涼脈細遲不腫不疼不紅熱堅

如頑石硬如皮根平輒陷無膿腐參附歸芎草茯苓枸杞

紅花與紫草獨陳蒼朮木山萸

竹葉黃耆湯

此方治癰疽發背諸般疔毒表裏不實熱甚口中乾大渴者服之生津止渴

人參 八分

生黃耆 八分

石膏 八分

半夏 八分

麥冬 八分

生地 二錢

白芍 八分

甘草 八分

川芎 八分

當歸 八分

竹葉 十片

黃芩 八分

右十二味水二鍾薑三片燈心二十根煎八分食遠溫服

方歌竹葉黃耆口乾渴清熱補正助生津參耆膏夏麥冬地芍

草芎歸竹葉芩

丙消散

此方治癰疽發背對口疔瘡乳癰無名腫毒一切惡瘡能令
癰腫內消使毒內化尿色赤污從小便而出勢大者雖不全
消亦可轉重為輕移深居淺

知母 一錢

貝母 一錢

花粉 一錢

乳香 一錢

半夏 一錢
製

白及 一錢

穿山甲 一錢

皂刺 一錢

銀花 一錢

右九味水酒各一碗煎八分隨病上下食前後服之留藥

渣搗爛加秋芙蓉葉一兩研為細末再加白蜜五匙用渣

調敷瘡上一宿即消重者再用一服

方歌

內消散用化諸毒毒化從尿色變行知貝天花乳夏及穿

山角刺共金銀藥渣搗和芙蓉葉白蜜調敷毒即平

已上諸方治癰疽七日以前瘡勢未成形體壯實而表裏

之證相和者宜服病退即止如過七日以後形勢已成則

宜托裏消毒等湯使毒現於外以速其膿若仍用前散下

之藥恐傷元氣致生變證也

丙固清心散

此方治癰疽發背對口疔瘡熱甚掀痛煩躁飲冷其人內弱

服之預防毒氣內攻於心也

茶豆粉 二兩

人參 二錢

冰片 一錢

雄黃 二錢

辰砂 二錢

白豆蔻 二錢

元明粉 二錢

茯苓 二錢

甘草 二錢

乳香 二錢

右十味為細末每服一錢五分蜜湯調下不拘時服

方歌內固清心防毒攻內弱毒氣入心中掀痛熱甚兼飲冷豆

粉人參冰片雄辰砂白蔻元明粉茯苓甘草乳香同

琥珀蠟礬丸

此方治癰疽發背瘡形已成而膿未成之際其人即不虛弱

恐毒氣不能外出以攻於裏預服此丸護膜護心亦且活血

解毒

黃蠟 一兩

白礬 一兩

雄黃 二分

琥珀

一錢 另研極細

硃砂

一錢 研細

白蜜 二錢

右四味先研細末另將蠟蜜入桐杓內溶化離火片時
候蠟四邊稍凝方將藥味入內攪勻共成一塊將藥火上
微烘急作小丸如菜豆大硃砂為衣磁罐收貯每服二三
十九食後白湯送下毒甚者早晚服其功最速

方歌

琥珀蠟礬治癰毒未出膿時平劑佳預服護膜能解毒蠟

礬雄珀蜜硃砂

護心散

此方治瘡毒內攻口乾煩躁惡心嘔吐者服此藥護心解毒

也

菘豆粉 一兩

乳香 三錢
淨末

硃砂 一錢

甘草 一錢

右四味研細末每服二錢白滾湯調服早晚二次

方歌 護心散治毒內攻煩躁口乾嘔逆冲豆粉乳香硃共草二

錢調下有神功

透膿散

此方治癰疽諸毒內膿已成不穿破者服之即潰破毒出

生黃耆 四錢

穿山甲 一錢

川芎 三錢

當歸 二錢

皂角刺 一錢
五分

右五味水三鍾煎一鍾瘡在上先飲酒一杯後服藥瘡在
下先服藥後飲酒一杯

方歌透膿散治膿已成不能潰破劑之平用此可代鍼瀉毒角

刺歸耆山甲芎

托裏消毒散

此方治癰疽已成內潰遲滯者因氣血不足不能助其腐化
也宜服此藥托之令其速潰則腐肉易脫而新肉自生矣

皂角刺 五分

銀花 一錢

甘草 五分

桔梗 五分

白芷 五分

川芎 一錢

生黃耆 一錢

當歸 一錢

白芍 一錢

白朮 一錢

人參 一錢

茯苓 一錢

右十二味水二鍾煎八分食遠服

方歌托裏消毒助氣血補正脫腐肌易生皂角銀花甘桔芷芎

耆歸芍朮參苓

神功內托散

此方治癰疽腦頂諸發等瘡日久不腫不高不能腐潰脈細身涼宜服此溫補托裏之劑以助氣血也

人參 一錢五分

附子 一錢製

川芎 一錢

歸身 二錢

黃耆 一錢

白朮 一錢五分土炒

白芍 一錢炒

木香 五分研

穿山甲 八分炒

甘草 五分

陳皮 一錢

白茯苓 一錢

右十二味煨薑三片大棗二枚水二茶鍾煎八分食遠服

方歌神功肉托陰毒證不腫不高不潰疼參附芎歸耆木芍木

香山甲草陳苓

復元通氣散

此方治乳癰腹癰便毒耳痛耳聾等證皆由毒氣滯塞不通

故耳服之則氣通毒散

青皮 四兩

陳皮 四兩

栝蔞仁 二兩

穿山甲 二兩

金銀花 一兩

連翹 一兩

甘草 二兩 半生半炙

右七味研末每服二錢黃酒調下

方歌復元通氣乳腹癰便毒兼治耳痛聾青陳萆甲銀翹草一

服能教毒氣通

雙解貴金丸

一 此方治背疽諸毒初起木悶堅硬便秘膿沉實者悉效隨證

加藥服法列後

生大黃

一觔

白芷

十兩

右二味爲末水丸每服三五錢五更時用連鬚葱大者三根黃酒一碗煮葱爛取酒送藥服畢蓋臥出汗過三二時俟大便秘行一二次立效

按此宜通攻利之劑也濟之以葱酒力能發汗故云雙解弱者隨用中劑行後以四君子湯補之老人虛人每服一錢用人參加生薑煎湯送下過一時再一服得睡上半身得汗則已

方歌雙解貴金治諸毒腫瘍初起木硬堅大黃白芷為丸服葱

酒煎送汗下痊

黍米寸金丹

此方乃異人所傳常有暴中急證忽然卒倒者撬開牙關研灌三丸其人即活又能治發背癰疽遍身壅腫附骨癰疽等證也凡初起憎寒壯熱四肢倦怠沉重者不分表裏老幼輕

重並宜服之

乳香

沒藥 各一錢

狗膽 一錢
乾者一個

鯉魚膽

三個 陰乾

硃砂 二錢

蟾酥 二錢

狗寶

一錢

麝香 五分

白丁香 四十個
九個

蜈蚣

全者七條 酥炙

黃蠟 三錢

烏金石 一錢

頭胎男乳

一合

輕粉 一錢

雄黃 一錢

水銀煉粉霜白色者

三錢

右十六味為細末除黃蠟乳汁二味熬成膏子同藥和丸

如菉豆大小兒用一九大人三九重者五九冷病用葱湯

熱病用新汲水送下衣被密蓋勿令透風汗出為度諸病

如失

方歌

黍米寸金奇效方癰疽發背服之良乳香沒藥狗鯉膽蟾

硃寶麝白丁香蜈蚣黃蠟烏金石男乳輕雄共粉霜

麥靈丹

此丹能治癰疽惡毒無名諸瘍及疔瘡回裏令人煩悶神昏

或婦人初發乳證小兒痘疹餘毒或腰腿暴痛等證

鮮蟾酥

二錢

活蜘蛛

二十一個
黑色大者佳

定心草

一錢
頭尖鼠糞

飛羅麵

六兩

右四味共研一處用菊花熬成稀膏和好摻為麥子形如

麥子大每服七丸重大者九九小兒輕證五丸在上俱用

白滾水服在下用淡黃酒送服每一料加麥子一合收磁
罐內

方歌 麥靈丹治疔毒疽鮮蟾酥與活蜘蛛定心草共飛羅麵黃

菊熬膏相合宜

保安萬靈丹

此方治癰疽疔毒對口發頤風寒濕痺濕痰流注附骨陰疽
鶴膝風及左癱右瘓口眼歪斜半身不遂血氣凝滯徧身走
痛步履艱辛偏墜疝氣偏正頭痛破傷風牙關緊閉截解風
寒無不應效

茅山蒼朮 八兩

麻黃

羌活

荆芥

防風

細辛

川烏

湯泡
去皮

草馬

湯泡
去皮

川芎

石斛

全蠍

當歸

甘草

天麻

何首烏

各一兩

雄黃

六錢

右十六味爲細末煉蜜爲丸重三錢硃砂爲衣磁罐收貯
 視年歲老壯病勢緩急斟酌用之如惡瘡初起二三日間
 或癰疽已成至十日前後未出膿者狀若傷寒頭痛煩渴
 拘急惡寒肢體疼痛惡心嘔吐四肢沉重恍惚悶亂皮膚
 壯熱及傷寒四時感冒傳變疫證惡寒身熱俱宜服之用

行集醫宗全錄卷之十一
三
葱白九枝煎湯調服一丸蓋被出汗爲效如汗遲以葱湯
催之其汗必出如淋如洗令其自收不可露風患者自快
瘡未成者卽消已成者卽高腫潰膿如病無表裏相兼不
必發散只用熱酒化服又按此方原載諸風癱瘓門中今
移錄於此者蓋瘡瘍皆起於營衛不調氣血凝滯始生癰
腫此藥專能發散又能順氣搜風通行經絡所謂結者開
之也經云汗之則瘡已正與此相合也服後當避風忌冷
物戒房事如婦人有孕者勿服

方歌

萬靈丹治諸瘡病此藥猶能治腫瘍發表毒邪從汗解通
行經絡效非常麻黃羌活荆防細川草烏芎石斛蒼全蠍

當歸甘草等天麻何首共雄黃

一 腫瘍敷貼類方

凡腫瘍初起時腫高赤痛者宜敷涼藥以寒勝熱也然亦不可太過過則毒爲寒凝變爲陰證如漫腫不紅似有頭而不痛者宜敷溫藥乃引毒外發也經云發表不遠熱敷熱藥亦發表之意凡調敷藥須多攪則藥稠黏敷後貼紙必須撕斷則不崩裂不時用原汁潤之蓋借濕以通竅乾則藥氣不入更添拘急之苦矣凡去敷藥必看毛孔有汗意者爲血脈通熱氣散也反此者逆

如意金黃散

此散治癰疽發背諸般疔腫跌撲損傷濕痰流毒大頭時腫
漆瘡火丹風熱天泡肌膚赤腫乾濕脚氣婦女乳癰小兒丹
毒凡一切諸般頑惡熱瘡無不應效誠瘡科之要藥也

南星

陳皮

蒼朮

各二
兩

黃蘗

五兩

薑黃

五兩

甘草

二兩

白芷

五兩

上白天花粉

十兩

厚朴

二兩

大黃

五兩

右十味共爲咀片曬乾磨三次用細絹羅篩貯磁罐勿泄
氣凡遇紅赤腫痛發熱未成膿者及夏月時俱用茶清同
蜜調敷如欲作膿者用葱湯同蜜調敷如漫腫無頭皮色

不變濕痰流毒附骨癰疽鶴膝風等證俱用葱酒煎調敷
如風熱所生皮膚亢熱色亮遊走不定俱用蜜水調敷如
天泡火丹赤遊丹黃水漆瘡惡血攻注等證俱用大藍根
葉搗汁調敷加蜜亦可湯潑火燒皮膚破爛麻油調敷已
上諸引調法乃別寒熱溫涼之治法也

方歌如意金黃敷陽毒止痛消腫實良方南陳蒼藥薑黃草白

芷天花朴大黃

五龍膏

此膏治癰疽陰陽等毒腫痛未潰者敷之卽拔出膿毒

五龍草 卽烏蘇莓詳本草綱目蔓草部俗名五瓜龍江浙多產之 金銀花

本草綱目卷之二十二

稀莨草

車前草 連根

陳小粉 各等分

右四味俱用鮮草葉一處搗爛再加三年陳小粉并飛鹽末二三分共搗為稠糊徧敷瘡上中留一頂用膏貼蓋避風為主若冬月草無鮮者預採蓄下陰乾為末用陳米醋調敷一如前法并效如此方內五龍草或缺少不便倍加

稀莨草亦效

方歌 五龍膏用拔膿毒平劑五龍草銀花莨草車前俱搗爛小

粉飛鹽攪糊搽

四虎散

此散治癰疽腫硬厚如牛領之皮不作膿腐者宜用此方

草烏

狼毒

半夏

南星 各等分

右四味為細末用猪腦同搗徧敷瘡上留頂出氣

方歌 四虎散敷陰疽癰頑腫不痛治之平厚似牛皮難潰腐草

烏狼毒夏南星

真君妙貼散

此散治癰疽諸毒頑硬惡瘡散漫不作膿者用此藥敷之不痛者即痛痛者即止如皮破血流濕爛疼苦天泡火丹肺風酒刺等證并用之皆效

蕎麥 五觔

明淨硫黃 十觔為末

白麵 五觔

本草綱目卷之六十一 雜考 編錄科心法要訣 七

右三味共一處用清水微拌乾濕得宜趕成薄片微晒單
紙包裹風中陰乾收用臨時研細末新汲水調敷如皮破
血流濕爛者用麻油調敷天泡火丹酒刺者用靛汁調搽
并效

方歌真君妙貼硫二麵水調頑硬不痛膿油調濕爛流血痛靛

汁泡丹酒刺風

二青散

此散治一切陽毒紅腫疼癢聾熱等證未成者即消

青黛

黃蘗

白飲

白薇

各一兩

青露

三兩
即芙蓉葉

白及

白芷

水龍骨

即多年臉船舊油灰

白鮮皮

各一兩

天花粉

三兩

大黃

四兩

朴消

一兩

右十二味為末用醋蜜調敷已成者留頂未成者徧敷

方歌

二青散用敷陽毒腫痛紅熱用之消黛蘖斂薇青露及芷

龍鮮粉大黃消

坎宮錠子

此錠子治熱毒腫痛焮赤諸瘡并搽痔瘡最效

京墨

一兩

胡黃連

二錢

熊膽

三錢

麝香

五分

兒茶

二錢

冰片

七分

牛黃

三分

右七味爲末用豬膽汁爲君加生薑汁大黃水浸取汁醱醋各少許相和藥成錠用凉水磨濃以筆蘸塗之

方歌

坎宮錠子最清涼熱腫諸瘡并痔瘡京墨胡連熊膽麝兒

茶冰片共牛黃

離宮錠子

此錠子治疔毒腫毒一切皮肉不變漫腫無頭搽之立效

血竭 三錢

硃砂 二錢

膽礬 三錢

京墨 一兩

蟾酥 三錢

麝香 一錢五分

右六味爲末凉水調成錠凉水磨濃塗之

方歌

離宮錠治諸疔毒漫腫無頭凉水塗血竭硃砂爲細末膽

蚪蚪拔毒散

此散治無名大毒一切火毒瘟毒敷之神效

寒水石

研極細末

淨皮硝

研極細末

川大黃

各等分研極細末

蝦蟆子

初夏時河內有蚪蚪成羣大頭長尾者撈來收鐔內泥封口埋至秋天化成水

右用蚪蚪水一大碗入前藥末各二兩陰乾再研勻收磁

白罐內每用時以水調塗患處

方 拔毒散治無名毒火毒瘟毒俱可施寒水消黃蚪蚪水浸

乾藥末水調之

三味拔毒散

此散治風濕諸瘡紅腫痛癢疥癬等疾甚效

明雄黃

曰礬

各等分

右二味為末用茶清調化鷺翎蘸掃患處癢痛自止紅腫即消

方歌

二味拔毒消紅腫風濕諸瘡痛癢寧一切肌膚疥癬疾雄

礬為末用茶清

回陽玉龍膏

此膏治癰疽陰瘡不發熱不聾痛不腫高不作膿及寒熱流注冷痛痺風脚氣手足頑麻筋骨疼痛及一切皮色不變漫腫無頭鶴膝風等證但無肌熱者一槩敷之俱有功效

軍薑

三兩炒

肉桂

五錢

赤芍

三兩炒

南星 一兩

草烏 三兩

白芷 一兩

右六味製畢共為細末熱酒調敷

方歌 回陽玉龍陰毒證不熱不疼不腫高軍薑桂芍星烏芷研

末須將熱酒調

冲和膏

此膏治癰疽發背陰陽不和冷熱相凝者宜用此膏敷之能行氣疎風活血定痛散瘀消腫祛冷軟堅誠良藥也

紫荆皮 五兩

獨活 三兩

白芷 三兩

赤芍

石菖蒲 一兩

五錢

五味共為細末葱湯熱酒俱可調敷

方歌冲和發背癰疽毒冷熱相凝此藥敷行氣疎風能活血紫

荆獨芷芍葛蒲

鐵桶膏

此膏治發背將潰已潰時根脚走散瘡不收束者宜用此藥

圍敷

膽礬 三錢

銅綠 五錢

麝香 三分

白及 五錢

輕粉 二錢

鬱金 二錢

五倍子 一兩
微炒

明礬 四錢

右八味共為極細末用陳米醋一碗杓內慢火熬至一小

杯候起金色黃泡為度待温用藥末一錢攪入醋內炖温

用新筆塗於瘡根周圍以棉紙覆蓋藥上瘡根自生縐紋
漸收漸緊其毒不致散大矣

方歌鐵桶膏收毒散大周圍敷上束瘡根膽礬銅絲及輕粉五

倍明礬麝鬱金

烏龍膏

此膏治一切諸毒紅腫赤暈不消者用此藥敷上極有神效

木鱉子

二兩
去殼

草烏

半兩

小粉

四兩

半夏

二兩

右四味於鐵銚內慢火炒焦黑色為度研細以新汲水調
敷一日一換自外向裏塗之須留瘡頂令出毒氣

方歌烏龍膏用治諸毒赤暈能收治腫瘍木鱉草烏小粉夏涼

水調敷功效良

神效千槌膏

此膏專貼瘡瘍疔毒初起貼之即消治瘰癧連根拔出大人

賺瘡小兒疔頭等證並效

土木鱉五個去殼

白嫩松香四兩揀淨

銅綠一錢研細

乳香二錢

沒藥二錢

蓖麻子七錢去殼

巴豆肉五粒

杏仁一錢去皮

右八味合一處石臼內搗三千餘下即成膏取起浸涼水

中用時隨瘡大小用手捻成薄片貼瘡上用絹蓋之

方歌 千槌膏貼諸疔毒瘰癧 臙瘡蟻拱頭木鱉松香銅乳沒莧

麻巴豆杏仁投

馬齒莧膏

馬齒莧性味清涼能解諸毒今用此一味或服或敷甚有功

效所治諸證列後

一治楊梅徧身如癩喉硬如管者取莧碗粗一握酒水煎服

出汗

一治發背諸毒用莧一握酒煎或水煮冷服出汗再服退熱

去腐三服即愈并杵莧敷之

一治多年頑瘡臙瘡疼痛不收口者杵莧敷之取蟲一日一

換三日後腐肉已盡紅肉如珠時換生肌藥收口

一治面腫唇緊搗汁塗之

一治婦人臍下生瘡痛癢連及二陰者用莧四兩青黛一兩

研勻敷之

一治濕癬白禿取石灰末炒紅用莧汁蒸膏調勻塗之

一治丹毒加藍靛根和搗敷之

方歌馬齒莧膏只一味楊梅發背服敷之頑瘡面腫搗汁用婦

女陰瘡共黛施濕癬白禿加灰末丹毒藍根相和宜

潰瘍主治類方

四君子湯

人參

茯苓

白朮各二錢

甘草一錢

右四味薑三片棗二枚水煎服

四物湯

川芎一錢五分

當歸三錢酒洗

白芍二錢炒

地黃三錢

右四味水煎服

八珍湯

人參一錢

茯苓一錢

白朮一錢五分

甘草五分

川芎一錢

當歸一錢

白芍一錢

地黃一錢

右八味水煎服

十全大補湯

於八珍湯內加黃耆肉桂水煎服

人參養榮湯

於十全大補湯內去川芎加陳皮遠志五味子水煎服

內補黃耆湯

於十全大補湯內去白朮加遠志麥門冬水煎服

按

四君子湯補氣不足者也四物湯補血不足者也八珍湯

雙補血氣不足者也十全大補湯大補血氣諸不足者也

人參養榮湯去川芎者因面黃血少加陳皮以行氣之滯
 五味子以收斂氣血遠志以生心血也內補黃耆湯治潰
 瘍口乾去白朮者避其燥能亡津也加遠志麥冬者以生
 血生津也如痛者加乳香沒藥以定痛硬者加穿山甲皂
 角刺以消硬也已上諸方凡癰疽潰後諸虛者悉準於此
 當隨證酌用之

方歌

四君參苓白朮草四物芎歸芍地黃二方雙補八珍是更
 加耆桂十補湯榮去芎加陳遠味內去朮加遠冬良痛甚
 乳沒硬穿皂潰後諸虛斟酌方

異功散

人參 二錢

白朮 二錢
土炒

茯苓 一錢

甘草 五分
炙

陳皮 五分

右五味薑三片棗二枚水煎服

理中湯

人參 二錢

白朮 二錢
土炒

乾薑 一錢

甘草 五分
炙

右四味水煎服

六君子湯

人參 二錢

白朮 三錢
土炒

茯苓 一錢

甘草 一錢
炙

陳皮 一錢

半夏 一錢五分
製

右六味薑三片棗二枚水煎服

香砂六君子湯

人參 一錢

白朮 二錢
土炒

茯苓 一錢

甘草 五分
炙

藿香 一錢
或木香

陳皮 一錢

半夏 一錢五分
製

砂仁 五分

六君子湯三片水煎服

按四君子湯加陳皮名異功散潰後脾虛氣滯者宜之四君

子湯減茯苓加乾薑名曰理中湯潰後脾虛寒滯者宜之

蓋氣虛則陽虛陽虛生寒故於補氣藥中加溫熱之味也

四君子湯加陳皮半夏名六君子湯潰後氣虛有痰者宜

之六君子湯加藿香或木香砂仁名香砂六君子湯潰後
胃虛痰飲嘔吐者宜之無痰飲氣虛嘔逆甚者加丁香沉
香潰後氣虛有寒加肉桂附子潰後瀉者加訶子肉豆蔻
腸滑不固加鷲粟殼食少咳嗽者加桔梗麥冬五味子渴
者加乾葛傷食脾胃虛弱加山查神麩穀芽或麥芽此皆
潰後氣不足者以四君子湯為主隨證加減也

方歌

四君加陳異功散理中減蒼加乾薑有痰陳半六君子嘔
吐砂仁木霍香逆下丁沉寒桂附瀉加訶蔻粟滑腸咳桔
冬味渴加葛傷食查麩穀麥良

托裏定痛湯

於四物湯內加肉桂乳香沒藥粟殼水煎服

聖愈湯

於四物湯內加柴胡人參黃耆水煎服

柴胡四物湯

於四物湯內加柴胡人參黃芩半夏甘草水煎服

地骨皮飲

於四物湯內加丹皮地骨皮

知藥四物湯

於四物湯內加知母黃蘗

三黃四物湯

於四物湯內加黃連黃芩黃蘗

按托裏定痛湯潰後血虛疼痛者宜之聖愈湯潰後血虛內熱心煩氣少者宜之柴胡四物湯潰後血虛有寒熱者宜之地骨皮飲潰後不寒者宜之知蘗四物湯潰後五臟陰火骨蒸者宜之三黃四物湯潰後六腑陽火煩熱者宜之蓋血虛則陰虛陰虛生熱故補血藥中多加寒涼之味也此皆潰後血不足者以四物湯為主隨證加減也

方歌

四物加桂乳沒栗托裏定痛效奇聖愈四物參耆入血
虛血熱最相宜血虛寒熱小柴合惟熱加丹地骨皮陽火
煩熱三黃合陰火骨蒸加蘗知

補中益氣湯

補中益氣湯治瘡瘍元氣不足四肢倦怠口乾時熱飲食無味脈洪大無力心煩氣怯者俱宜服之

人參 一錢

當歸 一錢

生黃耆 二錢

白朮 一錢

升麻 三分

柴胡 三分

甘草 一錢

麥冬 一錢

五味子 五分

陳皮 五分

右十味水二鍾薑三片棗二枚煎一鍾空心熱服

人參黃耆湯

治潰瘍虛熱不睡少食或寒濕相凝作痛者效即前方去柴

胡加神麩五分炒蒼朮五分炒黃蘗五分炒

方歌補中益氣加麥味潰後見證同內傷參耆歸朮升柴草麥

味陳皮引聚薑人參黃耆寒濕熱加麩蒼蘗減柴方

獨參湯

此湯治潰瘍膿水出多元氣虛餒外無邪氣自汗脈虛者宜服之

人參 二兩

右一味水二鍾聚十枚或蓮肉元暇肉煎好徐徐服之若煎至稠厚卽成膏矣作三次用醇酒熱化服之亦可

方歌膿水過多元氣餒不生他恙獨參宜徐徐代飲無窮妙聚

蓮元肉共煎之

温胃飲

此湯治癰疽脾胃虛弱或內傷生冷外感寒邪致生呃逆中脘疼痛嘔吐清水等證宜急服之

人參 一錢

白朮 二錢
土炒

乾薑 一錢
炮

甘草 一錢

丁香 五分

沉香 一錢

柿蒂 十四個

吳萸 七分
酒洗

附子 一錢
製

右九味水三鍾薑三片棗二枚煎八分不拘時服

方歌

温胃飲治寒呃逆內傷外感加寒生理中加丁沉香柿蒂寒

盛吳萸附子寧

橘皮竹茹湯

此湯治潰瘍胃火上逆氣衝以致時時呃逆身熱煩渴口乾
一唇焦此熱呃也服之有效

橘紅 二錢

竹茹 三錢

生薑 一錢

柿蒂 七個

人參 一錢

黃連 一錢

右六味水二鍾煎八分空心溫服

方歌 橘皮竹茹熱呃逆胃火氣逆上
衝行橘紅竹茹薑柿蒂虛

加參補熱連清

胃愛丸

此丸治潰瘍脾胃虛弱諸味不喜者宜服此丸助脾氣開胃

口而飲食自進矣

人參 一兩

山藥

一兩肥大男乳拌合

上白者切片透晒後微焙

建蓮肉

五錢 去皮心

白豆蔻

三錢

小紫蘇

五錢 蜜拌晒乾微蒸

片時連梗 葉切片

陳皮

六錢 用陳老米先炒黃色方入同炒微燥勿焦

雲片白朮

一兩鮮白者米泔浸去水切片晒乾同麥芽拌炒

甘草

三錢 炙

上白茯苓

一兩切一分厚明片用砂仁二錢同茯苓合碗內飯上蒸熟

右九味共為細末用老米二合微焙碾粉泡荷葉熬湯打

糊丸梧桐子大每服八十九清米湯送下不拘時服

方歌 不思飲食宜胃愛開胃扶脾效若仙異功山藥蘇梗葉建

蓮白蔻米糊丸

清震湯

治潰瘍脾腎虛弱或誤傷生冷或氣惱勞役或病後入房太
早以致寒邪乘入中脘乃生呃逆急服之

人參

益智仁

半夏各一錢
製

澤瀉三分

香附

陳皮

白茯苓各一錢

附子一錢
製

炙甘草一錢

柿蒂二十四個

方歌清震湯治腎家寒人參益智半夏攢澤瀉香附陳茯苓附

子甘草柿蒂煎

二神丸

此丸治癰疽脾腎虛弱飲食不消黎明溏瀉者服之有效

肉果

二兩

麩裹煨肥大者搗去油

補骨脂

四兩

微炒香

右二味共為細末用大棗四十九枚老生薑四兩切片水

浸薑棗煮至水乾為度取棗肉為丸桐子大每夜半用清

米湯送下七十丸治腎瀉脾瀉甚效

方歌 二神丸治脾腎弱飲食不化瀉黎明肉果補脾骨脂腎生

薑棗棗肉丸成

加味地黃丸

此丸治癰疽已潰虛火上炎口乾作渴者宜服之

熟地

八兩
酒蒸搗膏

山藥

四兩
炒

山萸肉

五兩
去核

白茯苓 四兩

牡丹皮 四兩 酒洗

澤瀉 三兩 蒸

肉桂 六錢

五味子 三兩 炒

右八味共為末煉蜜丸如梧桐子大每服二錢空心鹽湯

送下

方歌加味地黃勞傷腎水衰津少渴良方山萸山藥丹苓澤肉

桂五味熟地黃

參朮膏

此膏治癰疽發背等證大潰膿血之後血氣大虛急宜用此

補之

人參 半觔 切片用水五大碗 沙鍋慢火熬至三碗 將渣再煎 汁一碗 共一用 蜜絹濾淨 復熬稠厚 磁碗內收貯 聽用

雲片白米

六兩

懷慶熟地

六兩 俱熬同上法

以上三膏各熬完畢各用磁罐盛之入水中待冷取起密

蓋勿令泄氣如患者精神短少懶於言動短氣自汗者以

人參膏三匙白朮膏二匙地黃膏一匙俱用無灰好酒一

杯炖熱化服如脾虛弱飲食減少或食不知味或已食不

化者用白朮膏三匙人參膏二匙地黃膏一匙熱酒化服

如腰膝痠軟腿脚無力皮膚枯槁者用地黃膏三匙參朮

膏各二匙化服如氣血脾胃相等無偏勝者三膏每各二

匙熱酒化服此膏用於清晨及臨睡時各進一次自然強

健精神頓生氣血新肉易長瘡口易合一切瘡形危險勢

大膿多者服之自無變證也夏天炎熱恐膏易變合作二
次熬用亦好愈後常服能鬚髮變黑返老還童已上諸方
功難及此

方歌 參朮膏治大膿後血氣雙補此方宗人參白朮同熟地熬
成膏服有奇功

八仙糕

此糕治癰疽脾胃虛弱食少嘔泄精神短少飲食無味食不
作饑及平常無病久病者服之能健脾胃

山藥 六兩

人參 六兩

粳米 七升

糯米 七升

白蜜 一觔

白糖霜 二兩半

蓮肉

六兩

芡實

六兩

白茯苓

六兩

右將山藥人參蓮肉芡實茯苓五味各為細末再將粳糯米為粉與上藥末和勻將白糖入蜜湯中炖化隨將粉藥乘熱和勻攤鋪籠內切成條蒸熟火上烘乾磁器收貯每日清早用白湯泡數條或乾用亦可饑時隨服用至百日啟脾壯胃功難筆述

方歌

八仙糕用健脾胃食少嘔泄服之靈山藥人參粳糯米蜜

糖蓮芡白雲苓

洗滌類方

洗有蕩滌之功滌洗則氣血自然舒暢其毒易於潰腐而

無壅滯也凡腫在四肢者湯漬之在腰腹脊背者淋之在下部者浴之俱以布帛或棉蘸洗稍溫卽易輕者日洗一次重者日夜洗二次每日洗之不可間斷凡洗時冬月要猛火以逼寒氣夏月要明窓以避風涼若不慎此輕則有妨收口重則恐變純陰夫洗藥不一如初腫與將潰者俱用葱歸湯腫湯燙洗如陰證不起者俱用艾茸湯敷法如潰後俱用猪蹄湯燙洗用猪蹄湯者以助肉之氣而逐腐也此條洗之法乃瘍科之要藥也

葱歸湯腫湯

此湯治癰疽瘡瘍初腫將潰之時用此湯洗之以瘡內熱癢

為度

獨活 三錢

白芷 三錢

葱頭 七個

當歸 三錢

甘草 三錢

右五味以水三大碗煎至湯醇濾去渣以絹帛蘸湯熱洗

如溫再易之

方歌 葱歸湯腫洗諸毒初起將潰用之宜洗至熱癢斯為度獨

芷葱歸甘草俱

艾茸敷法

此膏治陰瘡黑陷而不痛者用之為良以知痛則生不知痛出紫血者死然必內服大補回陽之劑以助之

硫黃 五錢

雄黃 五錢

艾茸 一觔

右以硫雄二味為末同艾入水煎半日水將乾取艾出搗爛溫敷患處再煎再易十餘次為度

方歌艾茸敷法治陰瘡黑陷不痛用之良石硫雄黃同艾煮搗

成膏敷定能康

豬蹄湯

此湯治癰疽諸毒流膿者熬好洗之以助肉氣消腫散風脫腐止痛去惡肉活死肌潤瘡口如腐盡者不必用之當以米泔水熱洗之令瘡潔淨不可過洗過洗則傷水皮膚破爛難生肌肉斂口矣

黃芩

甘草

當歸

赤芍

白芷

蜂房

羌活

各等分

右七味共為粗末看證之大小定藥之多少先將獾豬前蹄一隻用水六碗煮蹄軟為度將汁濾清吹去汁上油花即用粗藥末一兩投於汁中再用微火煎十數沸濾去渣候湯微溫即用方盤一箇靠身於瘡下放定隨用軟絹蘸湯淋洗瘡上并入孔內輕手捺盡內膿庶敗腐宿膿隨湯而出以淨為度再以軟帛疊七八重蘸湯勿令大乾覆於瘡上兩手輕按片時帛溫再換如此再按四五次可以流

通血氣解毒止痛去瘀也洗訖用絹帛挹乾即隨證以應

用之藥貼之

方豬蹄湯治癰疽毒已潰流膿用此方消腫散風能止痛

甘歸芍芷蜂羌

膏藥類方

萬應膏

此膏治一切癰疽發背對口諸瘡痰核流注等毒貼之甚效

川烏

草烏

生地

白欵

白及

象皮

官桂

白芷

當歸

赤芍

羌活

苦參

土木鱉

穿山甲

烏藥

甘草

獨活

元參

定粉

大黃 各五錢

右十九味定粉在外用淨香油五觔將藥浸入油內舂五夏三秋七冬十候日數已足入潔淨大鍋內慢火熬至藥枯浮起為度住火片時用布袋濾去渣將油稱準每油一觔對定粉半觔用桃柳枝不時攪之以黑如漆亮如鏡為度滴入水內成珠薄紙攤貼

方歌 萬應膏用貼 諸毒發背癰疽對口瘡川草烏同地蘇及象

皮桂芷芍歸羌苦參木鱉穿烏藥甘獨元參定粉黃

紺珠膏

此膏治一切癰疽腫毒流注頑腫風寒濕痺癩癧乳癰痰核
血風等瘡及頭痛牙疼腰腿痛等證悉驗

製麻油

四兩

製松香

一觔

右將麻油煎滾入松香文火溶化柳枝攪候化盡離火下
細藥末二兩三錢攪勻卽傾於水內拔扯數十次易水浸
之聽用

一癩血腫毒癩癧等證但未破者再加魏香散隨膏之大小
患之輕重每加半分至三二分爲率

一毒深膿不盡及頑瘡對口等證雖潰必用此膏獲效

一未破者貼之勿揭揭則作癢痛亦勿揭能速於成膿患在平處者用紙攤貼患在灣曲轉動處者用絹帛攤貼

一臙瘡及臀腿寒濕等瘡先用茶清入白礬少許洗淨貼之

見效

一頭痛貼太陽穴牙痛塞牙縫內

一內癰等證作丸用蛤粉爲衣服下

一便毒痰核多加魏香散如膿瘡再加銅青如癰拱頭癰毒貼之亦效

製油法

每麻油一觔用當歸木鱉子肉知母細辛白芷巴豆肉文蛤打碎山茨菇打碎紅芽大戟續斷各一兩槐柳枝各二
十八寸入油鍋內浸二十一日煎枯去渣取油聽用查朝
鮮琥珀膏多續隨子此方宜加之

製松香法

擇片子淨嫩松香爲末十觔取槐柳桃桑芙蓉等五樣枝
各五觔剉碎用大鍋水煎濃汁濾淨再煮一次各收之各
分五分每用初次汁一分煎滾入松香末二觔以柳槐枝
攪之煎至松香沉下水底爲度卽傾入二次汁內乘熱拔
扯數十次以不斷爲佳候溫作餅收之餘香如法

膏內細藥方

乳香

沒藥 各五錢

明雄黃 四錢

血竭 五錢

麝香 一錢

輕粉 二錢

右為細末加入膏內用

魏香散

乳香

沒藥

血竭 各等分

阿魏

麝香 各減半

為末罐收聽用

方歌 紺珠膏貼癰疽毒流注 頑癩濕痺名療癰乳癰痰核塊血

風頭痛及牙疼松香化入麻油內乳沒雄黃竭麝輕隨證

更加魏香散麝香魏竭乳沒并

陀僧膏

此膏專貼諸般惡瘡流注癰瘰跌撲損破金刃快傷等證用之有效

南陀僧 二十兩 研末

赤芍 二兩

全當歸 二兩

乳香 五錢 去油 研

沒藥 五錢 去油 研

赤石脂 二兩 研

苦參 四兩

百草霜 二兩 篩 研

銀黝 一兩

桐油 二觔

香油 一觔

血竭 五錢 研

孩兒茶 五錢 研

川大黃 半觔

右藥先將赤芍當歸苦參大黃入油內燻枯熬至滴水不

散再下陀僧末用槐柳枝攪至滴水將欲成珠將百草霜細細篩入攪勻再將羣藥及銀黝篩入攪極勻傾入水盆內衆手扯千餘下再收入磁盆內常以水浸之

方歌

陀僧膏貼諸惡瘡流注癰癧跌撲傷陀僧赤芍歸乳沒赤脂苦參百草霜銀黝桐油香油共血竭兒茶川大黃

巴膏方

此膏貼一切癰疽發背惡瘡化腐生肌甚效

象皮 六錢

穿山甲 六錢

山梔子 八十個

人頭髮 一兩二錢

血竭 一錢

另研極細末

兒茶 二錢

另研極細末

硃砂 三錢

另研極細末

黃丹 飛

香油

桑槐桃柳杏枝 各五十寸

右將桑槐桃柳杏五枝用香油四觔將五枝燂枯撈出次入象皮穿山甲人頭髮燂化再入山梔子燂枯用絹將藥渣濾去將油復入鍋內煎滾離火少傾每油一觔入黃丹六兩攪勻用慢火熬至滴水成珠將鍋取起再入血竭兒茶硃砂等末攪融用凉水一盆將膏藥傾入水內用手批藥干餘遍換水數次拔去火氣磁罐收貯用時不宜見火須以銀杓盛之重湯炖化薄紙攤貼

方歌癰疽發背用巴膏象甲梔茶髮竭硃枝用桑槐桃柳杏黃

丹攪和共油熬

亞聖膏

此膏治一切破爛諸瘡並楊梅結毒貼之甚效

象皮 一兩

驢甲 一塊 即懸蹄

鷄子清 三個

木鱉子 七個

蛇蛻 二錢

蟬蛻 四錢

血餘 三錢

穿山甲 六錢

槐枝

榆枝

艾枝

柳枝

桑枝 各二十一寸

黃丹

黃蠟

麻油 三觔

右將藥浸七日煎如常法濾去渣每淨油一觔入黃丹七

兩煎成膏入黃蠟五錢化勻再加血竭五錢兒茶三錢乳

香三錢沒藥三錢煨牡蠣五錢五靈脂五錢石五味研極

細末入膏內成膏出火攤貼

方歌 亞聖膏治破爛瘡楊梅結毒貼之良象驢鷄驚蛇蟬蛻血

甲槐榆艾柳桑丹蠟蘇油勻化後竭茶乳沒蠟靈裹

絳珠膏

此膏治潰瘍諸毒用之去腐定痛生肌甚效

天蘇子肉

八十一粒

鷄子黃

十個

蘇油

十兩

血餘

五錢

黃丹

二兩飛水

白蠟

三兩

血竭

三錢

硃砂

二錢

輕粉

三錢

乳香

三錢

沒藥

三錢

兒茶

三錢

冰片 一錢

麝香 五分

珍珠 二錢

右將麻油燻血餘至焦 枯加麻子肉鷄子黃再燻枯去渣
入蠟候化離火少時入 黃丹攪勻再加細藥和勻收用攤
貼

方歌 絳珠化腐生肌 棘肉 鷄黃 油血餘丹 蠟竭砂輕乳沒兒

茶冰麝共珍珠研細和 勻隨證用乳岩須要入銀朱

乳岩加銀朱一兩

絳紅膏

此膏治一切腫毒已成 疼痛不消者貼之悉效

銀朱 五錢

膏 有一味爲細末以生桐油調攤如膏先用神燈照後貼此

方絳紅膏治毒已成腫痛難消用最靈一味銀朱爲細末桐

油調和貼之平

加味太乙膏

此膏治發背癰疽及一切惡瘡濕痰流注風濕徧身筋骨走
注作痛湯燙火燒刀傷棒毒五損內癰七傷外證俱貼患處
又男子遺精女人白帶俱貼臍下臍毒腸癰亦可丸服諸般
瘡癰血風癩癢諸藥不止痛癢者並效

白芷

當歸

赤芍

元參 各二兩

柳枝

槐枝 各一百寸

肉桂 二兩

沒藥 三錢

大黃 二兩

木鱉 二兩

輕粉 四錢
研不見星

生地 二兩

阿魏 三錢

黃丹 四十兩
水飛

乳香 五錢

血餘 一兩

右將白芷當歸赤芍元參肉桂大黃木鱉生地八味併槐柳枝用真麻油足稱五觔將藥浸八油內春五夏三秋七冬十八大鍋內慢火熬至藥枯浮起為度住火片時用布袋濾淨藥渣將油稱準用細舊絹將油又濾八鍋內要清淨為佳將血餘投上慢火熬至血餘浮起以柳枝挑看似

膏溶化之象方算熬熟淨油一觔將飛過黃丹六兩五錢徐徐投入火加大些夏秋亢熱每油一斤加丹五錢不住手攪候鍋內先發青烟後至白烟疊疊旋起氣味香馥者其膏已成卽便往火將膏滴入水中試軟硬得中如老加熱油如稀加炒丹每各少許漸漸加火務要冬夏老嫩得所爲佳候烟盡撥下鍋來方下阿魏切成薄片散於膏上化盡次下乳沒輕粉攪勻傾入水中以柳棍搗成一塊再換冷水浸片時乘溫每膏半觔扯拔百轉成塊又換冷水浸隨用時每取一塊銅杓內復化隨便攤貼至妙

方歌

太乙膏治諸般毒一切瘡傷俱貼之白芷當歸赤芍藥元

參桂沒柳槐枝大黃木鱉輕生地阿魏黃丹乳血餘

白膏藥

此膏專貼諸瘡腫毒潰破流膿甚效

淨巴豆肉

十二兩

蓖麻子

十二兩
去殼

香油

三觔

蝦蟇

五個

各啣人髮一團

活鯽魚

十尾

先將巴豆肉蓖麻子入油內浸三日再將蝦蟇浸一宿臨

熬時入活鯽魚共煤焦去渣淨慢火熬油滴水成珠離火

傾於淨鍋內再加官粉二觔半乳香末五錢不時攪之冷

定為度用時重湯炖化薄紙攤貼

方歌

白膏專貼諸瘡毒巴豆蓖麻浸入油活鯽蝦蟇同煤後再

將官粉乳香投

化腐紫霞膏

此膏善能穿透諸毒凡發背已成瘡肉不腐及不作膿者用此膏以腐爛瘡肉穿潰膿毒其功甚效

金頂砒 五分

潮腦 一錢

螺螄肉

二兩 用肉晒乾為末

輕粉 三錢

血竭 二錢

巴豆仁

五錢 研用白仁

右各為末共碾一處磁罐收貯臨用時用麻油調搽頑硬肉上以棉紙蓋上或膏貼俱可

方歌 化腐紫霞膏穿毒透膿化腐效如神金砒潮腦螺螄肉粉

竭麻仁巴豆仁

貝葉膏

此膏貼癰疽發背一切潰爛諸瘡

蒜油 一觔

血餘 鷄子大一個
白蠟 二兩

右將血餘以文火煤化去渣下火入白蠟溶化候溫用棉
紙剪塊三張張張於油蠟內蘸之貼於磁器幫上用時揭
單張貼患處日換八九次力能定痛去腐生肌其功甚速
切勿忽之

方歌 貝葉膏治潰爛瘡去腐生肌功效強血餘蒜油煎渣去下

火入蠟化貼良

碧螺膏

此膏治下部濕瘡疥癬并結毒痰串癩瘡

松香

取嫩白者佳為末篩過用銅盆以豬油遍搽之入水至滾入香不住手攪之以香沉底為度即傾冷水中拔扯百十次以不斷為度

右將麻油煎滴水成珠入松香一觔文火溶化看老嫩取起離火住滾徐徐入糠青膽礬各淨末五錢以柳枝左攪勻為度如老加熟豬油二三錢用綠紙薄攤貼之

方歌

碧螺膏治疥濕瘡豬脂麻油嫩松香再入糠青膽礬末綠

紙攤貼效非常

麻藥類方

瓊酥散

此散治一切腫毒等瘡服之開鍼不痛

蟾酥 一錢

半夏 六分

鬧羊花 六分

胡椒 一錢八分

川椒 一錢八分

萆芩 一錢

川烏 一錢八分

右七味共為細末每服半分黃酒調服如欲大開加白酒

藥一丸

方歌 瓊酥散是麻人藥開鍼不痛用蟾酥萆芩鬧羊生半夏胡

椒川椒與川烏

整骨麻藥

此藥開取箭頭服之不痛

麻黃

胡茄子

薑黃

川烏

草烏 各等分

關羊花 倍用

右六味共為末每服五分茶酒任下欲解用甘草煎湯服

之即甦

方歌整骨麻藥取箭頭不傷筋骨可無憂麻黃薑黃胡茄子川

草烏與關羊投

外敷麻藥

此藥敷於毒上麻木任割不痛

川烏尖 五錢

草烏尖 五錢

蟾酥 四錢

胡椒 一兩

生南星 五錢

生半夏 五錢

一方加華菱

五錢

一方加

細辛

一兩

右為末用燒酒調敷

方歌

外敷麻藥調燒酒刀割

不痛效最神川草烏蟾椒星夏一

加華菱一加辛

去腐類方

腐者壞肉也諸書云腐

不去則新肉不生蓋以腐能浸淫

好肉也當速去之如遇

氣實之人則用刀割之取效若遇

氣虛之人則惟恃藥力

以化之蓋去腐之藥乃瘍科之要

藥也

白降丹

此丹治癰疽發背一切疔毒用少許瘡大者用五六釐瘡小

一者用一二釐水調敷瘡頭上初起者立刻起炮消散成膿者

卽潰腐者卽脫消腫誠奪命之靈丹也

硃砂 雄黃 各二錢 水銀 一兩

硼砂 五錢 火消 食鹽

白礬 皂礬 各一兩五錢

先將硃雄硼三味研細入鹽礬硝皂水銀共研勻以水銀

不見星爲度用陽城礮一個放微炭火上徐徐起藥入礮

化盡微火逼令乾取起如火大大乾則汞走如不乾則藥

倒下無用其難處在此再用一陽城礮合上用棉紙截半

寸寬將礮子泥草鞋灰光粉三樣研細以鹽滴滴汁調極
濕一層泥一層紙糊合口四五重及糊有藥礮上二三重
地下挖一小潭用飯碗盛水放潭底將無藥罐放於碗內
以瓦挨潭口四邊齊地恐炭灰落碗內也有藥礮上以生
炭火蓋之不可有空處約三炷香去火冷定開看約有一
兩外藥矣煉時礮上如有綠烟起急用筆蘸礮子鹽泥固
粉之

紅升丹

此丹治一切瘡瘍潰後拔毒去腐生肌長肉瘡口堅硬肉黯
紫黑用丹少許鷄翎掃上立刻紅活瘍醫若無紅白二丹決

難立刻取效

硃砂 五錢

雄黃 五錢

水銀 一兩

火消 四兩

白礬 一兩

皂礬 六錢

先將二礬火消研碎入大銅杓內加火消一小杯炖化一
 乾即起研細另將汞硃雄研細至不見星為度再入消礬
 末研勻先將陽城礬用紙筋泥塘一指厚陰乾常輕輕撲
 之不使生裂紋塘泥礬子泥亦可用如有裂紋以礬子泥
 補之極乾再晒無裂紋方入前藥在內礬口以鐵油盞蓋
 定加鐵梁蓋上下用鐵鑿鐵絲紮緊用棉紙撚條蘸蜜周
 圍塞礬口縫間外用熟石膏細末醋調封固蓋上加炭火

二塊使蓋熱確口封固易乾也用大釘三根釘地下將確
子放釘上確底下置堅大炭火一塊外砌百眼爐升三炷
香第一炷香用底火如火大則汞先飛上二炷香用大等
確火以筆蘸水擦蓋第三炷香火平確口用扇搨之頻頻
擦蓋勿令乾乾則汞先飛上三香完去火冷定開看方氣
足蓋上約有六七錢刮下研極細磁確盛用再預以鹽酒
汁調確子稀泥用筆蘸泥水掃確口周圍勿令洩氣蓋恐
有綠烟起汞走也綠烟一起卽無用矣

一
方歌

白降丹爲奪命丹拔膿化腐立時安硃雄汞與礪砂入還
有消鹽白皂礬若去礪鹽紅升是長肉生肌自不難

元珠膏

此膏治腫瘍將潰塗之膿從毛孔吸出已開鍼者用搥蘸送
孔內呼膿腐不淨塗之立化

木鱉子肉

十四個

蟹螯

八十一個

柳枝

四十九寸

驢甲片

三錢

草烏

一錢

蒜油

二兩

右藥浸七日文火燥枯去渣入巴豆仁三個煎至黑傾於

鉢內研如泥加麝香一分攪勻入罐內收用

方歌

呼膿化腐用元珠木鱉蟹螯共柳枝驢甲草烏油內浸燥

枯巴豆麝香施

生肌類方

凡大毒潰爛內毒未盡若驟用生肌則外實內潰重者逼
 毒內攻輕者反增潰爛雖即收口其於旁處復生大疽是
 知毒未盡不可驟用生肌藥也只以貝葉膏貼之頻換俟
 生肉珠時方用生肌藥如元氣弱者須當大補以培元氣
 生肌定痛散

此散治潰爛紅熱腫痛有腐者用此化腐定痛生肌

生石膏

一兩 為末

用甘草湯飛五次

辰砂

三錢

冰片

二分

硼砂

五錢

右四味共為末撒患處

方歌

生肌定痛治潰爛腫疼紅熱實相宜
 石膏飛過辰砂用共

八水糊細撒之

輕乳生肌散

此散治潰爛紅熱腫痛腐脫者用此定痛生肌

石膏

一兩

血竭

五錢

乳香

五錢

輕粉

五錢

冰片

一錢

有水加龍骨白芷

各一錢

不收口加鷄內金

一錢

右為末撒之

方歌輕乳生肌治腐脫石膏血竭乳輕冰若然有水加龍芷收

口須添雞內金

薑礬散

此散治一切諸瘡發癢者用此撒之甚效

枯礬

乾薑

右等分爲末先用細茶食鹽煎湯洗之後用此散撒之

冷瘡不收口者用乾薑一味爲末撒患處覺熱如烘生肌

甚效

方歌薑礬最治諸瘡癢先用鹽茶煎洗之若是冷瘡不收口乾

薑一味撒生肌

腐盡生肌散

此散治一切癰疽等毒諸瘡破爛不斂者撒上卽愈

兒茶

乳香

沒藥 各三錢

冰片 一錢

麝香 二分

血竭 三錢

早三七 三錢

右為末撒之

有水加龍骨 一錢

欲速收口加珍珠 一兩

蟹黃 二錢

法取團臍蟹蒸熟取黃晒乾取用

或用豬脂油

半觔去渣加黃蠟 一兩

溶化傾碗內稍溫加前七

味調成膏攤貼癰疽破爛等證若杖傷則早三七倍之

一用鮮鹿腿骨紙包灰內煨之以黃脆為度如黑焦色則

無用矣為細末撒之生肌甚速

方歌腐盡生肌瘡不斂兒茶乳沒冰麝香血竭三七水加骨收
口珍珠共蟹黃或用豬油溶黃蠟調前七味貼之良一用
火煨鹿腿骨為散生肌效甚長

月白珍珠散

此散治諸瘡新肉已滿不能生皮及湯火傷痛并下疳腐痛
等證

青釭花 五分

輕粉 一兩

珍珠 一錢

右為末撒之

下疳腐爛用豬脊髓調搽

一用鷄子清傾瓦上晒乾取清爲末撒之

方歌月白珍珠皮不長并醫湯火下疔瘡青缸輕粉珍珠共豬

髓調搽真妙方一用雞清傾瓦上晒乾爲末撒之良

五色靈藥

此五色靈藥治癰疽諸瘡已潰餘腐不盡新肉不生撒之最

效

食鹽 五錢

黑鉛 六錢

枯白礬

枯皂礬

水銀

火消 各二兩

先將鹽鉛鎔化入水銀結成砂子再入二礬火消同炒乾
研細入鉛汞再研以不見星爲度入罐內泥固濟封口打

三炷香不可太過不及一宿取出視之其白如雪約有二

兩為火候得中之靈藥

如要色紫者加硫黃 五錢

要黃色者加明雄黃 五錢

要色紅者用黑鉛九錢水銀一兩枯白礬二兩火消三兩

辰砂四錢明雄黃三錢

升煉火候俱如前法

凡升打靈藥硝要炒燥礬要煨枯

一方用燒酒煮乾炒燥方研入罐

一法凡打出靈藥倍加石膏和勻復入新罐內打一枝香

用之不痛

方歌五色靈藥白用鹽黑鉛硝汞皂枯礬欲成紫色硫黃八黃者雄黃加五錢紅去皂鹽鉛重用硃砂飛盡必須添

生肌玉紅膏

此膏治癰疽發背諸般潰爛棒毒等瘡用在已潰流膿時先用甘草湯甚者用豬蹄湯淋洗患上輒絹挹淨用根柵挑膏於掌中捺化遍捺新肉上外以太乙膏蓋之大瘡洗換二次內兼服大補氣血之藥新肉即生瘡口自斂此外科收斂藥中之神藥也

當歸 二兩

白芷 五錢

白蠟 二兩

輕粉 四錢

甘草 一兩二錢

紫草 二錢

瓜兒血竭 四錢

麻油 一觔

右將當歸白芷紫草甘草四味入油內浸三日大杓內慢火熬微枯色細絹濾清將油復入杓內煎滾入血竭化盡次下白蠟微火亦化用茶鐘四個預放水中將膏分作四處傾入鐘內候片時方下研極細輕粉各投一錢攪勻候至一日夜用之極效

一歌方 生肌玉紅膏最善潰爛諸瘡搽即收歸芷蠟輕甘紫草瓜

兒血竭共麻油

瑩珠膏

此膏治潰瘍去腐定痛生肌并楊梅瘡杖腫瘡下疳等證

白蠟 三兩

豬脂油 十兩

輕粉 一兩五錢

樟冰 一兩五錢

先將白蠟脂油溶化離火候溫入輕粉樟冰攪勻成稍凝

再入冰片末一錢攪勻成膏確收聽用 凡用先將甘草

苦參各三錢水煎洗淨患處貼膏

杖瘡用荆川紙攤極薄貼之熱則易之其疔瘡即散疼痛

立止

楊梅瘡加紅粉二錢

頑瘡乳岩加銀硃一兩

名集醫宗全錄卷之十一
三
臙瘡加水龍骨三錢或龍骨四錢

方歌 瑩珠膏用治潰瘡定痛生肌功效強白蠟豬脂樟冰粉楊

頰乳杖并臙瘡

呂祖一枝梅

此藥治男婦大人小兒新久諸病生死難定之間用艾實大一餅貼印堂之中點官香一枝香盡去藥已後一時許視貼藥處有紅斑暈色腫起飛散謂之紅霞捧日病雖危篤其人不死如貼藥處一時後不腫不紅皮肉照舊不變謂之白雲漫野病雖輕淺終歸冥路小兒急慢驚風一切老幼痢疾俱可貼之凡病用之皆可預知生死也

雄黃 五錢

巴豆仁 五錢 不去油

硃砂 三分

五靈脂 三錢

銀朱 一錢五分

蓖麻仁 五分

麝香 三分

右各研細於端午日淨室中午時共研加油燕脂為膏磁盒收藏勿經婦人之手臨用豆大一圓掬餅貼印堂中其功立見用過餅送入河中

方歌 呂祖一枝梅驗病定人生死印堂中紅斑腫起斯為吉無

腫無紅命必終藥用五靈蓖麻子砂銀巴豆麝香雄

御製皇極經世一

三

